


續文獻通考






漢書門			
類	號	函	架
三	三	三	一
一	三	一	八

內閣文庫			
類	號	冊	函
三	一	一	八
三	一	一	九

內閣文庫	
番號	漢 243.1
冊數	81 (22)
函號	294 13

六十二之五





續文獻通考卷之六十二

皇明進士雲間王圻纂輯

淺草文庫

節義考 忠臣一

商

武王伐紂伯夷叔齊叩馬諫曰父死不葬爰及干戈可謂孝乎以臣弑君可謂仁乎左右欲兵之太公曰義人也扶而去之夷齊耻食周粟隱于首陽山作歌曰登彼西山兮采其薇矣以暴易暴兮不知其非矣神農虞夏忽焉沒兮我安適歸矣吁嗟徂兮命之衰矣遂餓而死

春秋

徒人費齊臣襄公誅屢弗得鞭之見血走出遇賊于門劫

續文獻通考卷之六十二 忠臣一

而束之費請先入伏公而出闕死於門中

陳不占齊臣聞崔杼弑莊公將赴之餐則失匕上車則失
鞞御者曰怯如是有益乎不占曰死君義也無勇私也
吾不以私害公遂往聞戰鬪聲恐駭而死

申蒯齊莊公侍御崔杼弑莊公蒯謂其宰曰爾以孥免我
將死宰曰免是反子之義也與之皆死

邢蒯墮齊臣崔杼弑莊公蒯墮使而返將入死而報其君
其僕曰君無道人莫不聞大夫何死之墮曰食其祿者
死其事吾食亂君之祿矣又安得治君而死之遂驅入
死僕曰人有亂君猶死之我有治長可生乎遂結轡自
刎

杞梁齊大夫莊公伐莒爲車五乘之宿梁不與歸而不食
其母曰汝生有義死有名則五乘之宿盡汝下趣食乃
行出闕獲甲首三百莊公止之不聽遂闕而死

華周齊大夫齊侯伐莒周先遇莒子于蒲侯氏莒子重賂
之使無力戰周曰貪貨棄命何以事君遂與杞梁俱戰
死

石他人齊人陳恒弑齊簡公而盟者皆完其家不盟者殺
之石他人曰昔之事其君者皆得其君而事之今謂他
人曰舍而君而事我他人不能雖然不盟則殺父母也
從而盟是無君臣之禮也不如退而自殺以禮其君遂
自殺

巴蔓子巴國人仕爲將軍周沒國亂蔓子請師于楚許以
三城楚巴救巴遣使請城蔓子曰藉楚之靈克濟禍難
誠許楚王城可持吾頭往城不可得乃自刎使者以蔓
子之首報楚王楚王曰使吾得臣如蔓子用城何爲乃
以上卿之禮葬其首巴亦以上卿之禮葬其身于施州
朱厲附莒臣穆公不知其才斥之及穆公有難朱厲附力
戰而死曰吾以激天下不知其臣者

田單晉臣佛盼以中牟叛田單曰義死不避鈇鉞之罪義
窮不受軒冕之服無義而生不仁而富不如烹遂死之
莊善楚臣聞白公爲亂辭其母而行三廢車下其僕曰子
懼矣何不返曰懼者吾私也死義吾公也及公門刎頸

而死

長兒子魚絕智伯囂而去之三年矣及聞智伯見殺曰吾
聞仁者無餘愛忠臣無餘祿吾聞智伯之死而動吾心
餘祿之加于我者至今尚存吾將往依之遂返而死

解揚晉大夫奉使如宋使無降楚楚人執而厚賂之使反
君命揚卒致君命楚欲殺之以其不屈旣而釋之

荀息晉大夫晉獻公將卒囑其子奚齊卓子曰以是貌諸
孤辱在大夫息曰臣竭其股肱之力加之以忠貞其濟
則君之靈也不濟則以死繼之後里克弑奚齊卓子荀
息死之

狼譚晉大夫晉襄公斥而不用後與楚戰彭衙譚將死之

人曰子不見信于君奚爲死譚曰今若不死是君之斥我宜矣遂以其屬馳秦師死焉晉師從之大敗秦弘演衛大夫狄人滅衛殺懿公而殘其屍僅留肝焉演遠使返報哭於肝之側曰臣請爲表自剖其腹納肝于內而死

戰國

王蠋臨淄畫邑人初燕以樂毅爲上將軍伐齊齊師大敗潛王出走樂毅入臨淄聞王蠋賢令軍中環畫邑三十里無入請蠋蠋謝不往燕人曰不來我且屠邑蠋曰忠臣不事二君烈女不更二夫齊王不用吾諫故退而耕于野國破君亡吾不能存而又欲劫之以兵吾與其不

義而生不若死遂經其頸而死毅乃封其墓

豫讓智伯臣也智伯爲趙襄子所滅讓欲報仇伏橋下襄子至橋馬驚索之得讓襄子曰此義士也吾謹避之耳釋之後乃漆身爲癩吞炭爲啞其妻不識其友識之乃曰以子之才臣事趙孟必得近幸子乃爲所欲爲顧不易即何自苦如此讓曰旣委質爲臣而又求殺之是二心也吾所爲愧天下人臣懷二心者耳卒不聽後入襄子宮中塗廁欲刺襄子襄子執之請於襄子三斬其衣而死

肥義趙人趙武靈王廢太子章而立少子何爲王自爲主父使肥義輔之後章因武靈王遊沙丘詐以主父命召

王義知有變請先嘗之曰無故而後王可入也肥義乃先入章殺之
李同趙邯鄲人秦圍趙急同說平原君以家財享士得敢死士三千遂與赴秦軍秦軍却三千里後竟戰死封其父為侯

漢

張良韓人韓為秦所滅良自以五世相韓第死不葬期必報仇乃陰募力士伺始皇至沙丘以鉄椎擊之誤中副車始皇命天下大索十日後輔漢滅秦又報項羽乃從赤松子遊

荀苛為御史大夫楚圍滎陽急漢王遁去使苛守之楚破

滎陽苛嫚罵不屈項羽怒烹苛

紀信為漢王將項羽圍漢王于滎陽甚急紀信願假王衣服夜從女子二千人出東門偽降漢王因出西門遁去羽執信烹之

蘇武杜陵人武帝天漢中武以中郎將持節使匈奴會長水虞常等謀殺漢降人衛律而劫單于毋闕氏歸漢單于使律治之常引武副張勝知其謀單于怒召武受辭武謂假吏常惠等曰屈節受命雖生何面目以歸漢引佩刀自刺律驚自抱持之武氣絕半日復息單于壯其節遣人候問武而收繫勝律謂武曰副有罪當相坐舉劔擬之武不動律曰律前負漢歸匈奴蒙恩富貴蘇君

今日降明日復然空以身膏草野誰復知之武罵律曰
汝爲人臣子不顧恩義畔主背親爲降虜于蠻夷何以
汝爲見且單于信汝使決人死生不平心持正反欲闔
兩主觀禍敗匈奴之禍從此始矣律白單于單于愈欲
降之乃幽武置大窖中絕不飲食天雨雪武嚙雪與旃
毛并咽之數日不死匈奴以爲神乃徙武北海無人
處使牧羝曰羝乳乃得歸別其官屬各置他所武留匈
奴凡十九年始以強壯出及還鬚髮盡白

龔勝楚人哀帝末徵爲京兆尹王莽秉政謝病歸莽復遣
使迎勝使者至以印綬就加勝身勝輒推不受兩子及
門人勸之行勝曰吾受漢家厚恩無以報今年老矣旦

暮入地豈宜以一身事二姓下見故王哉語畢遂不復
開口飲食積十四日死

翟義青州牧王莽居攝時義舉兵西誅不當攝者兵敗死
之餘衆歸王翁亦守節力戰死之

章明周新繁人官至大中大夫王莽篡位明周曰吾不以
一身事二姓遂自殺

田強武陵五溪酋領王莽欲錫強銅印強以子十人雄勇
過人乃曰吾等漢臣誓不臣莽以其三子將五萬人下
屯浣東各築一城烽火相接田子居上城王子居中城
倉子居下城

馬適求鉅鹿人以布衣謀誅莽不克死之

東漢

王嘉王皓蜀郡人王莽篡位並棄官西歸建武初公孫述稱帝遣使徵皓嘉恐不至遂先繫其妻子使者謂嘉曰速裝妻子可全對曰犬馬猶識王况于人乎皓先自殺以首付使者述怒遂誅皓家屬王嘉聞而嘆曰後之哉乃對使者伏劔而死

虞俊無錫人哀帝時爲御史稍遷丞相司直王莽秉政召爲司徒俊仰天嘆曰願爲漢鬼不能事兩姓飲藥而卒光武卽位表其墓

解文卿鄭文伯俱仕公孫述爲尚書時述據蜀成都人羅衍說解鄭諫述使速歸漢爲子孫福解鄭從之述怒閉

一子于薄室二子守志不回遂幽死

李業字巨游蜀人平帝時除爲郎王莽以業爲博士病不之官因匿山谷公孫述僭號素聞業名徵之欲以爲博士業固辭疾不起述羞不能致乃使持毒酒奉詔命以劫之業不屈遂飲毒而死蜀平光武詔表其門閭

溫序太原人建武中徵爲侍御史遷護羌校尉行部至襄武爲隗囂別將所拘劫諭使從序曰分當效死義不貪生遂以口啣鬚曰旣爲賊所殺毋令鬚汚血遂伏劔死伏隆湛之子光武時爲大中大夫張步據齊地隆奉使不屈死之

臧洪爲東郡太守袁紹圍其城歷年糧盡城陷洪被執不

屈死之郡丞陳容亦同日死

吉平建安時醫人與董承謀誅曹操事洩爲操所擒榜掠無完膚猶欲以舌吞賊竟死之

耿紀漢少府韋晃漢司直又有金禕者自以世爲漢臣與紀晃起兵欲挾天子以討曹操南援劉備竟不克而死徐璆字孟玉廣陵海西人中平初爲汝南太守轉東海相獻帝遷許以廷尉徵方詣京師爲袁術所逼授以上公之位璆嘆曰冀勝鮑宣獨何人哉守以必死術不敢逼審配爲袁紹冀州牧操兵入冀被執不屈死之

蜀漢

習珍襄陽人仕先主爲裨將孫權襲殺關羽珍與樊冑等

舉兵弗克潘濬招降珍曰吾爲漢鬼不爲吳臣糧盡自滅贈邵陵太守

張任事劉璋璋遣任與劉瓚率精兵拒先主於涪爲先主所破已復敗于滙橋先主聞任之忠勇令軍降之任厲聲曰老臣終不復事二主矣乃殺之

王連劉璋時爲梓潼令昭烈起兵葭萌連守不降昭烈義而釋之

嚴顏劉璋時爲巴州刺史張飛破巴州斥以胡不早降顏曰我州但有斷頭將軍無降將軍飛大怒趣命斫頭顏曰斫頭便斫頭何爲怒耶飛義而釋之後竟自刎死諸葛瞻亮之子也仕蜀爲尚書僕射魏鄧艾寇蜀遣人誘

續文獻通考 卷之六十二
降瞻斬其使後及子尚皆死之

曹魏

劉整鄭像合肥守城士也諸葛恪圍合肥城中遣整像後先出城傳消息皆為賊所得以不從賊而死嘉平中鎮軍將軍毋丘儉上言整像為兵能守義執節弟子宜有褒異詔追封皆關內侯子襲爵

閻溫天水人仕魏以涼州別駕守上邽會馬超奔上邽郡人舉迎之溫不能禁乃還州超復圍之溫夜潛出欲告急夏侯淵賊執詣超超曰若謂城中無救則貸汝溫偽許及詣城下大呼曰大軍不過三日至勉之超怒殺之韋忠平陽人年十二喪父哀慟廬墓武帝時為郡功曹太

守陳楚為山羗所執忠願代死賊義而釋之後以鎮西大將軍討叛者矢盡不屈死

晉

周處字子隱陽羨人惠帝永熙七年齊萬年屯梁山有衆七萬梁王彤夏侯駿使處以五千兵擊之戰敗弦絕矢盡救兵不至左右勸處退處按劍曰是吾効節致命之日也遂力戰而死

稽紹康之子也惠帝時為侍中河間成都王舉兵帝征之奉準謂曰今往安危難測卿有佳馬乎紹正色曰死生以之佳馬何為乘輿敗績于蕩陰帝面中三矢百官侍御皆散紹朝服登輦以身衛帝兵人引紹斫之帝曰忠

臣也勿殺對曰奉太弟令惟不犯陛下二人耳遂殺之
血濺帝衣後左右欲浣帝曰稽侍中血勿浣也
王斌仕晉為安北將軍懷帝永嘉二年石勒陷長樂斌死
之

王連為扶風太守劉曜攻陳倉連敗死之

吉朗仕晉為御史中丞愍帝建興四年劉曜陷長安帝出
降朗嘆曰吾智不能謀勇不能死何忍君臣相隨北面
事賊虜乎乃自殺

卞壺句容人成帝咸和中為尚書令成陽公督軍討蘇峻
戰敗死之二子眈盱亦赴敵死其母撫屍哭曰父為忠
臣子為孝子夫何恨乎時丹陽尹羊曼黃門侍郎周導

廬江太守陶瞻俱戰死瞻侃子也壺後贈侍中謚忠貞
二子皆贈官

段匹磾大興中官幽州刺史為石勒所敗乃着朝服持節
見石季龍曰我受國恩志在滅汝不幸至此不能為汝
敵及見勒又不為禮遂遇害

虞悝臨湘人譙王承為湘中刺史徵為長史王敦反援長
沙悝被執遂死之弟望亦為譙王司馬討敦力戰死詔
贈悝襄陽太守望滎陽太守祭其墓以少牢

易雄瀏陽人少為縣吏念無由自達乃脫幘掛縣而去後
舉孝廉為州主簿張昌之亂執太守萬嗣將斬之雄與
賊爭論曲直賊乃舍去雄後為春陵令會王敦反雄首

奮忠義起兵討之力屈城陷爲魏人所虜送到武昌抗
辭不屈敦遣人殺之

樂道融丹陽人爲王敦叅軍敦以討劉隗爲名遣道融道
融憤敦之逆因說甘卓襲敦卓大然之旣而卓與敦和
將旋軍道融晝夜泣諫憂憤而死

周崎邵郡人爲湘州從事譙王承使求救于外爲王敦將
魏乂所執乂臨以白刃曰汝爲語城中稱大將軍已破
劉隗等外援隔絕我當活汝崎僞許之至城下大呼曰
王敦軍敗於吳甘卓已克武昌卽日分遣大衆來赴此
急努力堅守賊今散矣乂殺之

周該慈利人從父級宜郡內史王敦爲逆級遣該使湘州
約譙王承甘卓同獎王室爲敦所執訊掠之至死不
級由是得免于難

周和字國寶會稽人好學知兵永徽間四面盜起積糾鄉
人禦之衆寡不敵賊誘之從爲亂積怒曰恨不斬汝萬
段肯從汝反耶遂手刃數十人自刎而死事聞立廟以

祀

俞縱宣城人成帝時爲桓彝部將蘇峻分兵陷臺城內史
桓彝死之縱守蘭石韓晃攻之將敗左右勸退軍縱曰
吾受桓侯厚恩當以死報吾之不可負桓侯猶桓侯之
不負國也遂力戰而死彝後追贈廷尉謚曰簡縱贈義
興太守

陽瓚穆帝永和中爲司馬魏攻滑臺瓚堅守死之詔稱寧
遠司馬濮陽太守陽瓚滑臺之逼勵誠固守投命殉節
在危無撓古之烈士無以加之可贈給事中爲恤其家
賜絹一百疋粟三百斛

辛謐晉故散騎常侍隴西人也永和中趙石閔盡滅石勒
之族而自立爲帝以謐有高名乃備禮徵爲太常謐遺
閔書以爲物極則反數至則危君王功已成矣宜因茲
大捷歸身於朝必有由夷之薦享喬松之壽矣閔不聽
因不食而卒

丁穆爲順陽太守孝武帝宣康時符堅遣衆入寇穆戰敗
被執至長安稱疾不仕僞朝遂遇害贈龍驤將軍雍州

刺史

吉挹爲魏興太守秦陷魏興挹死之符堅嘆曰周孟威不

屈于前

周彪字也秦獲其母遂降常有不遜語秦待之彌厚

丁彥遠潔已於後

穆吉祖冲閉口而死挹何晉氏之多忠臣也

常簡爲東平太守孝武時慕容垂遣子寇廩丘簡與戰死
之

袁崧汝陽人安帝時爲吳郡太守孫恩作亂攻陷滬瀆城
崧死之

何無忌東海剡人盧循之亂握節而死謚曰忠肅

沈勁吳興人常以父克失身王敦爲耻後守洛陽城陷不
屈爲慕容恪所害神色自若恪曰今定洛陽而殺沈勁

實有愧于四海

謝邈晉人爲吳興太守孫恩之亂爲賊所執逼令北面邈勵聲曰我不得罪天子何北面之有遂被害

王亮爲博陵守將秦苻丕天安中燕慕容麟攻秦博陵城中糧竭矢盡功曹張猗踰城出聚衆以助麟亮臨城數之曰卿是秦民吾是卿君卿起兵應賊而號義兵何名實之相違也古人求忠臣必于孝子之門卿母在城棄而不顧吾何有焉今人取卿一時之功則可矣寧能忘卿不忠不孝之罪乎麟拔博陵執亮殺之

韓延之堵陽人爲西平府錄事叅軍劉裕代司馬述之密書招延之延之報書甚倨厲以裕父名翹字顯宗于是字已曰顯宗名子曰翹示不臣劉氏

宋

劉康祖彭城人累官司馬左軍將軍受命北伐率師出許洛還救壽陽力戰而死魏人傳其首面如生贈益州刺

史謚曰壯

卜天與吳興餘杭人元嘉末爲廣威將軍元亮劭入弑事變倉卒舊將皆望風屈附天與不暇被甲執刀持弓疾呼左右出戰射賊劭于東堂幾中逆徒擊之臂斷倒地乃見殺世祖贈龍驤將軍益州刺史謚曰壯侯以旌忠節

劉琨之爲竟陵王誕司空主簿誕作亂以琨之爲中兵叅

續文獻通考 卷之六十三
軍不就死之贈黃門郎

袁粲字景倩湛之從孫宋明帝時累官中書令臨崩粲受顧命順帝立徙粲鎮石頭及齊篡位粲不欲事二姓率宿衛兵攻之不克見害沈休文撰宋書擬立袁粲傳世祖曰袁粲自是宋家忠臣

齊

丘冠先字道元吳興人少有節義永明中位給事中使蠕蠕蠕蠕逼令拜冠先執節不從以刃臨之冠先日能殺我者蠕蠕也不能以天子使拜戎狄者我也遂見殺武帝以冠先不辱命賜其子雄錢一萬布三千疋雄不受詣闕上書曰臣父執節如蘇武守死如谷吉遂不書之

良史甄之褒贈萬代之後誰死社稷先建元四年車僧朗對使不異抗節是同詔贈員外郎此天朝舊準臣父成例也今僧朗反葬家坐臣父湮棄絕域語忠烈則亦不謝車論荼毒則彼優而此劇名位不殊禮數宜等乞申褒贈不省

劉恩忌爲新野太守時魏王引兵寇新野築長圍守之城陷不屈遂遇害

顏見遠爲御史中丞因梁武受禪不食發憤痛哭而卒

梁
程文秀以功至新安太守後從吳明徹侵周戰敗不屈死于獄

樂子雲清陽人以江陵令除光祿卿魏克江陵衆皆奔散呼子雲子雲曰終爲虜矣不如守以死節遂仆地卒于馬足之下

北魏

于什門代人胡元時使諭馮跋聲氣厲然遂被拘留留衣裳敗壞跋遣以新服堅拒不受歷二十四年後馮弘上表稱臣乃送什門歸拜侍御史太武褒美比之蘇武

朱長生代人孝文時爲員外散騎常侍與同郡于提俱使高車其王阿伏至羅以兵脅之降長生與提厲聲曰我爲魏鬼不爲汝臣拘三歲始放還孝文以其守節拜長生河內太守提隴西太守並賜男爵

王榮世館陶人仕魏爲方城縣子梁師攻圍自知力不可全乃先燒府庫後殺妻子旣而城陷不屈被害詔進爵爲伯贈齊州刺史

崔楷博陵鮮卑人孝文帝時爲殷州刺史賊來攻楷拒守力竭城陷執節不屈死之贈侍中子士元亦戰歿贈平州刺史

劉渴侯稟性剛烈魏太和中爲徐州牧以禦敵被擒不降而死贈平州刺史上庸侯

道登永安初爲梁將韋休等所虜面縛臨刃令其招降鄉曲道登厲聲唱呼但當努力賊無所能賊遂屠戮之又荆州被圍行臺宗君恩遣使宗女等四人入城曉諭爲

賊所獲執女等巡城令其改辭女等大呼大軍垂至堅守莫降賊忿各割其腹然後斬首二州表其節義道登等並賜五赤郡五等子爵聽子弟承襲遣使詣所在吊祭

北齊

鮮于世榮漁陽人為太子太傅周武帝入代遺以瑪瑙酒鍾世榮得即碎之周兵入鄴被執不屈而死

隋

皮子信為洮州刺史高祖開皇三年吐谷渾寇臨洮皮子信死之

劉弘彭城人平陳以功加上儀同拜泉州刺史會高智慧

作亂弘堅守百餘日賊知其饑欲降之弘抗節彌厲比城陷為賊所害上嘉歎久之官其子

張須陀滎陽通守李密逼滎陽須陀拒守後被伏兵邀擊眾皆潰散須陀仰天嘆曰兵敗如此何面目見天子下馬戰死

游元明根玄孫也煬帝時奉使黎陽楊玄感作逆脅以兵不屈死之贈銀青光祿大夫

杜松贊北海人大業末賊楊厚為寇松贊出覘為賊所獲令之招降不從死之詔贈朝散大夫

堯君素隋恭帝侗皇泰元年即唐武德元年守河東唐遣獨孤懷恩攻之不下招之不從遣其妻至城下謂之曰隋室已

亡君何自苦君素曰天下名義非婦人所知引弓射之
應弦而倒君素志在守死每言及國家未嘗不歔歔及
江都聞變左右殺君素以降

陰世師武威人壽之子也煬帝時拜張掖太守後遷左翊
衛將軍與代王留守京師唐軍至世師自以世荷隋恩
拒守不下見殺

穆肅江南人隋末守臨江政尚清明秩滿之京假道將樂
金溪聞唐受隋禪義不事二姓遂投水死邑人義之殮
其屍葬沙磧立祠祀之

唐

張德政高祖時爲鄆州都督突厥來寇鄆州德政死之

劉焯岐州鳳泉人武德初以驃騎將軍鎮守涇州爲薛仁
杲所圍戰敗被執不屈而死

李育德趙州人武德初爲涉州刺史引兵拔賊河內堡三
十一所王世充怒悉銳士攻之育德力戰與三弟皆歿
李玄通武德四年爲定州總管時劉黑闥取定州黑闥執
玄通愛其才欲以爲大將玄通不可囚之故吏有以酒
肉餽之者玄通飲醉給守者曰吾能劔舞願假吾刀玄
通舞竟太息曰大丈夫受國厚恩鎮撫方面不能保全
所守有何面目視息世間哉引刀自刺而死

鞠稜武德四年爲冀州總管時劉黑闥取冀州稜死之
王公政武德五年爲垣州刺史劉黑闥陷垣州公政死之

葉顥爲建州刺史武德初妖賊亂城陷不屈而死

夏侯端壽州壽春人唐初詔以大將軍招撫關東爲王世充阻而留之不屈死

常達陝州人武德初爲隴州刺史不屈于薛舉而死

呂子臧河東人武德中爲鄧州刺史不屈于賊朱粲而死

王行敏并州樂平人武德中以屯衛將軍死于竇建德

羅士信歷城人武德中以絳州總管死于劉黑闥

張道源郟人武德中守趙州爲竇建德所執不屈而死

敬士弘絳人武德時爲隱太子死

周積金壇人永徽間四境盜起積糾合鄉人拒之衆寡不敵賊誘之爲亂積曰恨不斬汝萬段肯從汝爲賊耶遂

手刃數十人自刎死事聞封爵立廟至今祀之

龐孝恭博白人龍朔中以遼東道行軍總管征高麗爲蓋

蘇文所敗不屈而死

李安靜高宗時爲右驍衛將軍武后受禪獨不肯勸進有司劾以謀反安靜曰以我唐家老臣欲殺卽殺若云謀

反實無可言遂遇害

格元輔浚儀人舉明經累鳳閣鸞臺平章事武后欲以武

承嗣爲太子元輔不從坐以謀反斬之

顏杲卿字昕臨沂人玄宗天寶十五載爲常山太守賊將史思明陷常山杲卿起兵纔八日守備未完史思明蔡

希德引兵皆至城下杲卿晝夜拒戰糧盡矢竭城陷執

杲卿及袁履謙等送洛陽祿山數之曰汝是范陽戶曹我奏汝為判官不數年超至太守何負于汝而反耶杲卿瞋目罵曰汝本營州牧羯奴天子擢汝為三道節度使恩幸無比何負於汝而反我世為唐臣祿位皆唐有雖為汝所奏豈從汝反耶我為國討賊恨不斬汝何為反也臊羯狗何不速殺我祿山大怒并袁履謙等縛於天津橋柱而剛之二人比死罵不絕口顏氏死者三十餘人杲卿後贈太子太保謚忠節


崔無諛玄宗天寶時為滎陽太守安祿山反圍滎陽無諛率眾乘城聞師謀自墜如雨無諛與官屬皆死之詔贈尚書謚毅勇

龐堅涇陽人薛愿汾陰人天寶時安祿山反堅與愿共守潁川城中士單糧少而愿堅晝夜戰自正月至十一月諸郡兵無援者城遂陷二人不屈俱死之

畢炕天寶末為廣平太守拒安祿山城陷死之詔贈戶部尚書

雷海清天寶中樂工初祿山取長安樂工犀象詣洛陽宴其群臣於凝碧池盛奏眾樂梨園子弟往往歎泣下賊皆露刃睨之雷海清不勝悲憤撫琴於地西向慟哭祿山怒縛於試馬殿前支解之

張興東鹿人肅宗至德元年為饒陽裨將時史思明陷河北攻饒陽彌年不能下思明併力圍之外救俱絕城陷



擒與謂曰將軍真壯士能與我共富貴乎與曰與唐之忠臣固無降理今數刻之人耳願一言而死思明曰試言之曰主上待祿山恩如父子群臣莫及不知報德乃與兵指闕塗炭生人大丈夫不能剪除克逆乃北面爲之臣乎且足下所以從賊求富貴耳譬如燕巢於幕何能久安何如乘間取賊轉禍爲福長享富貴不亦美乎思明怒鋸殺之至死罵不絕口

張巡南陽人許遠敬宗曾孫杭州人巡初爲真源令遠爲睢陽守遠自以才不及巡邀巡同守遠居中而巡出禦賊至德二載賊將尹子奇圍睢陽城中食盡始與士卒同食茶紙旣盡遂食馬馬盡羅雀掘鼠鼠雀旣盡巡

出愛妾殺以食士遠亦殺其奴然後括城中婦人食之旣盡繼以男子老弱賊登城將士病不能戰巡西向再拜曰臣力竭矣不能全城生旣無以報陛下死當爲厲鬼以殺賊城遂陷巡遠俱被執子奇問曰聞君每戰皆裂齒碎何也巡曰吾志吞逆賊但力不能耳子奇抉之以刃乃與南霽雲雷萬春等三十六人皆被殺巡且死顏色不亂生致許遠於洛陽後亦死之

陶閻洛陽人爲城父令與張巡同守睢陽城陷被執與石永平李辭陸光煌朱珪宋若虛楊振威耿慶禮馬日升張惟清廉垣張重孫景趨趙連城王森喬紹俊張恭默祝忠李嘉隱翟良輔孫庭皎馮良等三十六人皆死于

難肅宗時贈開潞州大都督

元正仕監門尉兵曹參軍肅宗時史思明陷河洛賊以名購正仕度事急謂弟曰彼利吾名難免矣然不污身而死吾猶生也遂兄弟皆遇害事平贈秘書

盧奕滑州人懷慎少子安祿山陷東都奕朝服端坐被擒不屈數祿山罪臨刑西向再拜罵不絕口而死肅宗詔贈禮部尚書謚曰貞烈

李愷汶水人天寶中以東京留守死于安祿山之難穆宗詔褒其處難居首正色就死兩河聞風再固危壁

張介然猗氏人以守陳留死于安祿山

賈循華原人守幽州死于安祿山

程千里萬年人以禮部尚書死于安祿山

已上四人肅宗時詔追贈官其子孫

段秀實德宗建中四年為司農卿朱泚召秀實議稱帝事

秀實勃然起奪源休象笏前唾泚面大罵曰狂賊吾恨

不斬汝萬段豈從汝反耶因以笏擊泚眾爭前殺之明

年興元元年詔贈太尉謚曰忠烈帝還都詔旌其門

張徹幽州節度判官至任遇府軍怨其從事盡殺之而囚

其帥且相戒獲徹置之帥所徹出門罵眾曰汝何敢反

罵不絕口而死事聞贈給事中

顏真卿杲卿從弟興元元年李希烈陷汝州詔真卿宣慰之既至與朱滔等四使同宴四使曰都統將稱大號而

太師適至是天以宰相賜都統也真卿叱之曰汝知有
罵安祿山而死者顏杲卿乎是吾兄也吾年八十知守
節而死耳希烈掘坎於庭云欲坑之真卿怡然見希烈
曰死生已定何必多端亟以一劍相與豈不快公心事
耶希烈乃謝之繼希烈僭號遣其將辛景臻謂真卿曰
不能屈節當自焚積薪灌油於庭真卿趨赴火景臻遽
止之至是聞希清伏誅忿怒遣中使縊殺之明年元貞
元年贈司徒謚文忠

高重捷德宗時名將也與朱泚將李日月戰敗斫首而去
朝廷憫其忠命東蒲爲首葬之朱泚見其首亦曰忠臣
也東蒲爲身而葬之

吳淑章敬皇后弟建中時以大將軍自願持節諭朱泚泚
執之不屈被害

劉廼字永夷伊闕人建中時爲兵部侍郎以朱泚亂車駕
幸梁州憂憤不食而卒

蔡廷玉昌平人朱泚辟置幕府泚反不屈投河而死

符令奇臨沂人德宗時田承嗣任爲右職後田悅逆命令
奇勸以忠順不從其子璘率三子同降唐將馬燧悅怒
遂被害

孟華德宗時以檢校兵部郎中兼侍御史往諭王武俊使
不與朱滔協謀武俊不從稱王授華禮部尚書華不肯
起嘔血死

續文獻通考卷之六十一
張仵爲澤潞將守臨淮爲田悅所執不屈而死

周曾李希烈部將也希烈反密謀取希烈不克而死時王
玠姚憺韋清亦希烈部將與曾同謀獨清得不死德宗
贈安定郡王實封二百戶又有呂賁康秀琳梁興朝賈
樂卿侯仙卿皆死希烈之難

張名振事李懷光爲部將欲懷光急攻朱泚以收京城爲
懷光所拉殺

石演芬本胡人爲李懷光養子懷光與朱泚連和演芬遣
人至行在言懷光無破賊意請罷其總統懷光知之罵
曰我待汝爲子汝何故反演芬曰太尉旣負天子演芬
安得不負太尉懷光使卒鬻之皆曰義士也斷其喉而

去

袁人傑無爲人唐末盜起人傑以土豪招集強壯保障一
方賊大入人傑挺身血戰度不能支仰天大呼自刎而
死屍僵立者累日賊驚異舍其境遁去鄉人收葬立廟
祀之

董全禎德興人天祐中爲御史兼八砦將首一日賊自浙
東來全禎兵寡不能敵乃自斷其首已而雷電晦冥如
有兵戈甚盛賊大驚潰邑人祀之

顧彥暉爲東川節度使王建來攻城陷不屈自刎舉族皆
死

溫庭皓爲徐州觀察使龐勛反以刃脅之爲表求節鉞不

從遂遇害

黃碣閩人威勝軍節度使董昌辟以自副及昌反碣大罵不從爲所殺抵首溷中夷其家百口

王進岌爲冀州刺史憲宗元和十五年王庭湊陷冀州進岌死之

高沐渤海人貞元中爲李師道判官師道謀逆沐力解諭之不從遂爲所害

林蘊莆田人爲西川節度使劉闢推官闢反蘊諭以禍福闢怒欲殺之命行刑者以刀磨其頸脅之蘊罵曰死卽死我頸豈汝礪石耶闢知不可屈殺之

崔彥畱懿宗咸通初爲徐州觀察使會龐勛反死義贈刑部尚書焦璐李稅崔蘊柳泰盧宗嗣韋廷範皆爲勛所害後贈官有差錄用其子

林慎思字虔中長樂人咸通中登第由校書郎至水部郎中萬年縣令黃巢入長安迫以僞祿慎思罵賊而死

何武壽州人嘗被誣枉至州投石自明守釋之未幾寇起卽請于守曰此真畢命之秋也命領偏裨入樅陽伏盜發兵潰武獨闖死

丘弘禮爲曹州刺史僖宗時朱全忠陷曹州弘禮死之孫揆字聖圭爲昭義軍招討使昭宗時討李克用被執不屈鋸解之鋸齒不行罵賊曰羯狗奴解人當束以板汝輩安知行刑者如其言鋸齒乃行至死罵不絕口

張瞻爲隸州刺史昭宗朝平盧節度使王師範陷隸州瞻
死之

劉康義益都人昭宗時爲密州刺史楊行密陷城康義死
之

王師範青州人爲淄青平盧節度使朱溫圍鳳翔師範捧
詔書而泣起兵討溫兵及淮南力不能支爲溫所族

敬播昭宗朝爲隸州刺史朱全忠陷隸州播不屈死之

黃岳寧德人唐末由鄉貢入太學朱溫篡位王審知竊王
號欲起岳岳度不能拒遂投于淵而死

周朴字太朴福州人黃巢得朴將用之朴曰我爲處士尚
不仕天子安能從賊巢怒遂斬之湧白膏起數尺後人

立廟祀焉

張承業字繼元內常侍張泰養子初以特進監河東軍朱
溫篡唐承業佐晉王存勗有復讐之志已晉王欲稱帝
承業亟詣魏州諫曰吾王世世忠於唐室老奴三十餘
年爲王收拾財賦召補兵馬誓滅逆賊復本朝宗社耳
今河北甫定朱氏尚存而王遽卽大位殊非從來征伐
之意天下其誰不解體乎王何不先滅朱氏復列聖之
深讐然後求唐後而立之南取吳西取蜀汛掃宇內合
爲一家當是之時雖使高祖太宗復生誰敢居王上者
讓之愈久則得之愈堅矣老奴之志無他但以受先主
大恩欲爲王立萬年之基耳王曰此非余所願柰群下

意何承業知不可止慟哭曰諸侯血戰本為唐家今王
自取之誤老奴矣即歸晉陽邑邑成疾不復起

續文獻通考卷之六十三

皇明進士雲間王圻纂輯

節義考 忠臣二

後梁

王彥章字子明鄆州壽昌人末帝時為鄆州防禦使與唐
將夏魯奇戰馬蹶被執莊宗愛其驍勇欲全活之彥章
曰朝事梁暮事晉河面目見天下人乎終不從遂見殺
張源德梁末守貝州時郡邑皆歸晉獨貝州堅守或勸出
降不從遂被害

後唐

從洪以指揮使戍闐州梁將董璋破闐州執洪不屈燃鑊

于前令壯士割其肉而食洪至死罵不絕口明宗聞之
泣下錄其二子

夏魯奇字邦傑唐莊宗賜姓名曰李紹奇常解莊宗重圍
又擒王彥章官河陽節度使徙忠武後董璋攻遂州魯
奇閉城拒之旬月救兵不至城中食盡自刎死

張敬達爲唐將契丹兵圍之楊光遠勸敬達降敬達不忍
背唐謂曰何不殺我降光遠卽斬敬達降契丹後耶律
德光哀其忠遣人收葬

裴約唐澤州刺史時李繼韜以潞州留後叛降唐來攻澤
州約泣以諭衆曰吾死不從也嬰城自守城陷死之唐
主憫其忠爲立祠

後晉 沈斌祁州刺史時趙延壽引契丹兵攻祁州斌在
城上延壽語之曰使君何不早降斌曰侍中父子失計
陷身虜庭忍帥犬羊以殘父母之邦不自媿耻更有驕
色何哉明日城陷斌自殺

後周 韓通爲周侍衛親軍副都指揮使恭帝元年遣宋
祖帥師禦漢至陳橋爲諸軍推戴通謀率衆禦之軍校
王彥昇逐焉通馳入其第未及閤門爲彥昇所害妻子
俱死後宋祖贈通中書令以禮收葬

後蜀 高彥儔爲江寧制置使太祖乾德二年曹彬帥師
至夔蜀彥儔拒之力戰不勝奔歸府第整衣冠望西北
再拜縱火自焚死光義得其骨於灰燼中以禮葬之

南唐

劉仁贍為壽州節度使堅守不下世宗遣使招降其子崇諫應其招仁贍立命斬之監軍周廷構以城降周仁贍遇害周以壽州為忠正軍以旌仁贍之節

李延鄒為泗州叅軍時周主自將伐唐攻濠泗州唐郭廷謂知唐不能救命延鄒草降表延鄒責以忠義廷謂以兵臨之延鄒擲筆曰大丈夫終不負國為叛臣作降表廷謂斬之

張彥能南唐楚州守將也周世宗攻之與其副鄭昭業戰死所部千餘人皆無降者

孫晟密州人仕南唐為右僕射及使周謂其副王崇質曰吾終不負永陵一杯土世宗召問江南事不對乃收下獄臨刑怡然南望拜曰臣惟以死報國唐主贈魯國公鍾清為江南主勤政學士時曹彬克金陵清朝服坐于家兵及門舉族死之

胡則為唐指揮使時曹翰攻江州不下刺史謝彥實集眾謀納款則謂其下曰吾屬世受李氏恩安忍負之刺史不忠欲背國爾曹能從我乎眾皆聽命乃與同列宋德明等攻彥實執而殺之集眾為唐固守城陷翰執之數其拒命之罪對曰大吠非其主公何怪之翰殺之

陳喬為唐門下侍郎開寶八年曹彬克金陵喬與張洎約同死社稷然洎實無死志至是喬徑入白唐主曰今日

國亡願加顯戮以謝國人唐主曰此乃曆數卿死無益也喬曰縱不殺臣臣何面目對士人乎遂自經死

宋

秦傳序江寧人淳化五年以夔陝巡檢使禦李順亂城陷父子皆死太宗錄其次子煦為殿直煦死復以煦弟昉為三班奉職

康保裔為瀛州都部署真宗咸平二年契丹侵瀛州圍之數重左右請保裔易甲以遁保裔曰臨難無苟免正吾效死之日也遂決戰數十合兵盡矢絕而援不至保裔與宋順俱死之

劉紹榮為益州都巡檢使時咸平三年益州戍卒作亂紹

榮死之

裴濟為靈州知州咸平五年趙保吉集蕃部來攻靈州濟被圍餉絕刺指血染奏求救兵不至城遂陷濟死焉

景林洙通州人咸平間王均叛州有賊應之者林洙將鄉兵拒戰為賊所戕首隕而身不仆跨馬奔歸州城東北隅人訝而呼之曰公無首矣于是始墜邦人即其地立祠

劉平為鄜延路副總管仁宗景祐時元昊寇延州平帥師往援與賊大戰衆潰平被執死之贈朔方節度使兼侍中

高敏登州人慶曆中為涇源指揮使與西夏力戰而死贈

嘉州刺史錄其三子

任福開封人慶曆中元昊寇渭州不屈死節贈武勝軍節度使賜第一區給其家錢及粟麥追封母妻錄其子

耿昭化河南人仕為蜀州司戶叅軍盜據城欲脅以官昭化大罵至斷手足不屈而死

耿傳昭化子以父蔭累官通判儀州徙慶州元昊入寇叅任福行營軍事諸將失利或勸傳避之傳愈前指顧自若被數創乃死詔贈右諫議大夫官其四子

王珪涇源都監也元昊入寇珪從任福戰好水川福陷圍中珪誓以死報國復入援福殺數十百人鞭撓掌裂奮擊自若矢中目乃還夜卒

張憲為武畧大夫慶曆時貝州宣毅卒王則據城以叛憲與其子琳同死之贈武功大夫官其兩子

馬遂開封人為北京指揮使王則叛寶昌朝使持榜入貝州招降既見則諭以禍福不荅遂奮起抵則拒其喉毆之流血賊黨攢刃聚謀乃縛而支解之事聞仁宗嘆息久之贈官苑使官其五子

董元亨深州人仁宗時以貝州通判罵王則為所害贈太常少卿錄其子三人

李英高要人為欽州推官死儂寇之難一家十有三人贈比部郎中廟食高要

宋士堯馬平人與儂寇力戰于邕州敗北賊斷其首屍不

什猶奔馬而還贈屯衛大將軍

曹覲字仲賓建安人爲建州司戶叅軍皇祐中知封州儂智高叛攻封州率徒決戰不勝被執賊戒勿殺梓使拜且誘以美官覲不肯拜且詈賊猶惜不殺徙置舟中覲兩日不食賊知其無降意害之至死詬賊不絕事聞贈太常少卿錄其四子後立廟封州

張拱廣西都監也儂賊圍邕州拱自州來援旣入而城陷不屈而死踰月得其屍如生

王正倫以太尉將兵擊儂賊戰死于難子景仁卽其地結草堂祠之朝廷嘉其節贈節度使謚曰忠顯

張日新安仁人皇祐間爲廣西邕州都監儂智高陷邕日新力戰不支被執不屈死之

孔宗旦魯人皇祐中以邕州司戶叅軍叱罵儂智高爲所害贈太子中允

趙師旦積之從子皇祐中以太子右贊善大夫移知康州奮罵儂賊被害贈光祿少卿賜其母長安縣太君冠帔官其子弟并從子三人

王從政爲閣門祗候與儂賊戰于太平場被執以沸湯沃之終不屈而死贈信州刺史錄其孫三人

梁仲寶賓州人儂賊犯境率衆力戰死之郡人爲立廟徐噩博白人爲宜州長史追儂賊至金城驛力戰死之贈大理丞

郭恩開封人累官秦隴路兵馬鈐轄嘉祐中夏人入寇臥
牛峯恩與力戰自旦至食時失利被執不屈自殺贈同
州觀察使錄其子弟有差

張吉爲淮安鎮守烽卒神宗熙寧三年夏人寇慶州吉爲
夏人所掠驅至城下呼令降吉反其辭賊怒害之至死
罵不絕口事聞贈內殿崇班勇烈將軍錄其子

景思忠字進之普州安岳人神宗時以遂州駐泊都監與
夷人力戰而死官其子及同死者之子七人

王竒汾州人神宗時以廣西都監死于蠻寇贈皇城使忠
州防禦使官其後六人

蘇緘晉江人爲邕州知州熙寧九年交趾人圍邕緘悉力

拒守外援不至城遂陷緘殺其家三十六人因自焚死

城中人感緘之義無一人從賊者帝聞之嗟悼贈奉國
軍節度使謚忠勇邕人爲立祠元祐間賜額懷忠子明

正孫廣淵直溫與緘同死皆蒙褒贈

高永能元豐初破夏人有功進榮州團練使元豐五年夏
人寇永樂城陷其孫昌裔欲挾之從間道走永能嘆曰
吾結髮與西羌戰未嘗挫今年已七十受國恩恨無以
報此吾死所也遂戰而死詔贈房州觀察使錄其子世
亮爲忠州刺史

張建侯政和中爲辰州守與盧陽令王憲之救鎮江寨爲
賊黃安俊所執迫使諭寨中人出降建侯給諾至寨下

大呼曰為人當識順逆我萬無求全汝等堅守勿二賊怒并憲之俱害之郡人立祠以祀

徐禧分寧人元豐中城永樂禧以給事中詔與內侍李

舜舉往相其事會賊趨新城禧亟往禦或曰被詔相城

禦寇非職也禧不聽與舜舉俱至永樂城陷死之贈吏

部尚書謚忠愍

高永年河東沓官也崇寧初知岷州為降羌所執死之

彭汝方知衢州徽宗宣和初方臘陷城汝方罵賊以死贈

龍圖閣直學士謚忠毅官其家七人

鞠嗣復宣和初知休寧縣為方臘所得不屈賊不忍加害

卒生還

宋族字庭實莆田人知剡縣不屈於方臘而死贈朝散郎

錄其四子

詹良臣字元公睦州分水人以縉雲尉不屈于方臘被害

贈通直郎官其子孫二人

丁仲修字敏之温州人方臘陷樂清將渡江巡檢陳奎往

捕死之賊至仙遊夏祥遣輔褒迎戰數十合褒死之仲

修乃率鄉兵禦諸樂灣力屈而死

項德武義人郡之禁卒也與方臘戰于黃姑嶺下死邑人

哭聲振山谷圖其像歲時祝之

蔣煜仙居人有文學方臘欲妻以女煜辭之脅以拜亦不

從寇曰吾戮汝矣煜伸頸就刃晉聲不絕而死

胡榘爲婺州教授遇方臘作亂以武奮遇害舉家死之詔
贈奉議郎推恩二子

王行之太平人初除婺州士曹方臘黨寇婺州守臣皆遁
去行之曰吾獄官也守吾職死分耳遂遇害事聞贈通
直郎官其一子

毛稟字淑鎮江山人以特恩爲歙士曹睦寇攻城官吏皆
遜稟曰吾職司寇獄有繫囚義不可去乃攝州事時二
子貢辟雍卽遣人持獄印絕城以出令獻于朝城陷稟
坐府上賊脅使降不屈罵賊不絕口死之妻錢氏掖其
姑弗忍去俱遇害事聞贈朝請郎官其後三人

劉士英宣和中通判太原府與將士王稟俱死于金寇

程廸宣和中從楊惟中征方臘有功累遷榮州團練使時
金人入寇詔以廸提舉永興路軍馬及永興破廸率其
徒力戰身被創幾徧絕而復蘇猶厲聲叱戰不已遂死
之詔贈明州觀察使謚忠愍

張克戩字德祥侍中耆曾孫也宣和間知汾州與虜力戰
而死一門同死者八人贈延康殿學士銀百兩絹五百
匹紹興中謚忠確

傅察字公晦孟州濟源人宣和七年以大常少卿奉使金
虜迺至境上幹離不脅之降不屈死之

江仲明台州人宣和間寇亂載老母逃山澗中猝遇寇逼
使降仲明奮起罵賊死之

朱昭字彥明府谷人宣和中爲震武城兵馬監押攝知城事金人逼城盡殺其家人死守後中矢而死

張甲德興人爲邕州巡檢宣和時金兵犯順甲力戰死德祐元年詔贈忠利侯

史抗濟源人宣和末爲代州沿邊安撫副使金人圍代急抗夜呼二子稽古稽誓曰吾昔語用事者鴈門宜擇帥增戍彼皆不吾省今城必陷吾將死事汝輩亦勿以妻子爲念而負國也二子泣曰惟命明日城破父子三人突圍力戰死于城隅

李翼麟州人宣和末爲代州西路都巡檢使金人取代遣使諭降翼射却之後兵敗被執粘罕欲臣之怒罵不屈

而死同時不屈而死者縣令李聳丞王唐臣尉劉子英監酒闔城將官折可與

陸有常知臨淄縣臨朐土兵作亂有常率兵拒守死于陣知益都張侃千乘縣丞丁興宗亦死之

孫益以福州觀察使知朔寧府被命救太原時張孝純已將太原降金不肯啟門遂死之初益奏郡人孫谷爲掾屬至是嘆曰吾身已許國又不忍負孫公亦死之

張確守隆德府時粘沒喝入威勝軍或勸確潰圍出確斥曰吾守土臣頭可斷膝不可屈力戰而死

种師中洛陽人累官奉寧軍承宣使會金人內侵師中戰死贈少師謚莊愍

李彥仙字少嚴鞏昌人爲陝州知州靖康元年金婁室攻陝奇彥仙才百端誘陷彥仙悉斬其使力盡城陷投河死贈彰武軍節度使建廟商州號忠烈官其子給宅一區田五頃謚忠威時裨將龍門邵雲夏縣呂員登陝縣宋炎與賈何闔平趙成皆死並贈官

杜翊世華陽人通判懷德軍靖康初金兵奄至城陷翊世先火其家與妻張同縊死贈朝議大夫官其後十人名所居曰忠義坊

高子儒狄道人知蘭州龕谷寨金人陷熙河子儒聞副總管劉惟輔戰死力窮莫支乃先自刃其家與軍將韓清皆罵賊而死

黃璘字邦美浦城人登政和八年第後丞拱州靖康元年金人襲拱州城陷虜迫郡縣吏役爲鄉導璘移病不出虜驅迫之遂赴井死事聞贈朝奉郎官其弟之子爲璘後

蔣興祖常州宜興人徽宗時知楊武縣靖康初金兵犯京師道過楊武或勸使避興祖曰吾世受國恩當死于是與妻子留不去及師至力不敵死焉年四十四詔贈朝散大夫

楊震字子發代州崞人靖康中知麟州守建寧砦與子居中執中俱死建炎二年贈武經郎長子存中貴請于朝謚恭毅

曾悟字蒙伯肇之孫靖康中爲亳州士曹金人破城抗辭
慢罵衆刃劓之屍體無存者妻孥同日被害

李震汴人靖康初金人迫京師震時爲小校率所部三百
人出戰殺人馬七百餘已而被執問南朝皇帝所在震
曰我官家非爾所當問鬻割垂盡猶罵不絕口

司馬朴光兄旦之孫靖康初以兵部侍郎使金握節而死
贈兵部尚書謚忠潔

郭忠孝字立之洛陽人少以父達任補官舉進士累遷河
東路提舉坐事靖康初爲永興軍路提點刑獄及金人
寇永興兵寡或勸忠孝以監司出巡可以避禍忠孝不
答與經畧唐重分城而守金人陣城下忠孝募人以神

臂弓射之敵不得前已而城陷忠孝死之贈大中大夫

歐陽詢字全羨廬陵人靖康中以將作監臣出使極言祖
宗之地不可割時宰怒欲殺詢迺遣詢奉使割深州詢
至深州城下慟哭謂城上人曰朝廷爲奸臣所誤吾已
辦一死來矣汝等宜勉爲忠義報國金人怒執送燕焚
死之詔錄其忠無子官其壻曾敏恭

姜綬麗水人以忠勇士召募刳股藏書緹下南壁將往南
京求援爲金邏騎所獲厲聲叱罵被害官其子特立承
信郎

徐徽言西安人靖康中知晉寧軍兼嵐石路沿邊安撫使
晉寧不守金挾徽言去不屈死之統副孫昂及士卒皆

不屈被害事聞贈晉州觀察使謚忠壯再贈昭化軍節度徽言子岡從孫適俱死事世著忠義

孫昂靖康初爲太原路兵馬都監與徽言協志禦虜後引刀欲自刎爲金人所奪擁至軍前不屈而死贈成忠郎團練使昂父翊宣和中知朔寧州掾太原死于陣亦世濟忠義云

李琪永福人官至武功大夫金虜犯闕召天下兵琪謂蔣炳文曰主憂臣辱主辱臣死豈可以道遠便自營私乎募死士三千人倍道兼行與賊戰死之贈忠州防禦使宋炎陝縣人蹶張命中補秉義郎金人圍城射死數百人比再圍以勁弩發毒矢殺千餘人城陷虜求善射者官之炎不應戰死

李若水字清卿曲周人靖康中爲吏部侍郎帝如青城至金營金人逼帝易服若水抱持而哭詆金人爲狗輩金人曳若水出擊之且令曰必使李侍郎無恙若水絕不食或勉之曰事無可爲者今日順從明日富貴矣若水嘆曰天無二日若水寧有二主哉其僕亦慰解之曰公父母春秋高若少屈冀得一歸觀若水叱之曰吾不顧家矣後旬日粘沒喝召計事若水因歷數而罵之監軍撻破其舌噴血罵愈切至以刃裂頸斷舌而死金人亦相與言曰遼國之亡死義者十數南朝惟李侍郎一人呂由誠字子明誨之季子以父恩補官靖康初徙知集慶

府時羣盜蜂起崎嶇至郡金兵來攻由誠與判官趙令佳同心誓守城陷俱被執不屈死之

龔端新昌人欽宗稱其凜凜有直臣節後奉使河東路聞二帝北狩憤惋而卒

程振樂平人靖康中拜刑部侍郎金人寇汴梁索金帛無厭振與梅執禮等四人詣金營言比屋盡空無以塞命

虜酋怒遂遇害贈端明殿學士謚剛愨

孫鉉自眉徙居戎州為博士二帝北狩金人以鉉有名上庠指名檄取之義不屈以死

王履以修武郎副李若水使金抗虜不屈與若水俱死臨死畧無懼色且歌詩末章云矯首問天今天卒無言忠

臣效死今死亦何愆人聞而悲之

劉韜字仲偃崇安人第進士靖康中以資政殿學士充河北宣撫副使太原陷召入覲為京城四壁守禦使京城失守遣使金營金人欲用之歸書片紙使親信持報諸子即沐浴更衣酌卮酒而縊建炎初贈資正殿大學士

累贈太師謚曰忠顯

吳革字義夫華陽人靖康初為閭門宣贊舍人女直立張邦昌為楚帝革率眾討邦昌不克死之

吳晉陵人靖康末仕為禮部員外郎金人立張邦昌王時雍用事坐政事堂愁發憤罵之曰反虜吾不能擊汝如段秀實耶時雍向頸俱赤後吳升莫儔以表狀詣虜

營懋竟不屈

郭許德順中安堡人靖康中爲涇原副將不降金虜而死
贈武翼大夫忠州刺史同死者西安朱友恭亦涇原副
將贈敦武郎

王士言武舉進士靖康中畢力禦金虜死于澤州贈拱衛
大夫忠州團練使官其後五人

祝公明處州麗水人爲太原府蓋縣主簿靖康中與金人
力戰而死贈承事郎子陶爲唐州司戶亦死官所

陳邁知中山府爲金師所圍半年外無援師京都既陷割
兩河求和邁弟光祿卿適至中山臨城諭旨邁遙語曰
主辱臣死吾兄弟平居以名義自處寧肯賣國家作囚

奴乎適泣曰兄但盡力勿以弟爲念後爲步將沙振所
害及其子錫并僕妾十七人建炎初贈特進

李熙靖晉陵人提舉醴泉觀邦昌使直學士院固拒不食
而卒贈延康殿學士

謝貺汝州人欽宗卽位上封事十篇論事切至金人犯汝
州貺自襄陽領兵往援力戰而死

李涓南豐人靖康之難率兵勤王至蔡州與金人戰死之
高宗官其二子

霍安國靖康中知懷州城陷一門無噍類高宗建炎元年
詔諸路詢死節之臣以聞贈延康殿學士

張叔夜永豐人從淵聖北行至白溝河仰天大呼扼吭而

卒建炎紹興間塋衣冠于寶積院之西朝廷褒其節詔有司卽墓立廟賜額旌忠謚忠文

李邈字彥思清江人靖康中以青州觀察使知真定城陷金人欲其被髮左衽邈自去髮爲浮屠遂遇害高宗贈昭化軍節度使謚忠壯

劉翊靖康中爲真定府路都鈐轄金兵逼之解繯自縊死徐揆衢州人靖康中以太學生上書金酋請還二帝爲所殺建炎中贈宣教郎官其後

郭永大名元城人爲北京提刑建炎二年女直陷北京永死之家屬皆遇害

劉汲丹陵人爲鄧州安撫使時女直陷鄧州汲死之通判

鄭州趙伯振知潁昌府孫默知汝陽府郭贊皆不屈死劉倚友字夢澤處州人靖康初以進士宰開封金人犯闕受檄爲東壁彈壓官登城按視爲寇所獲脅使降倚友罵不絕口死之

孫昭遠字顯叔眉山人建炎中爲河南尹金兵來攻衆欲擁昭遠南還昭遠罵曰若等衣食縣官不以此時報國耶叛兵怒反擊昭遠遂遇害官屬無免者贈徽猷閣待制

唐重字聖任眉州彭山人建炎中爲永興軍經畧使知京兆府城陷不屈而死贈資政殿學士謚恭愍時副總管相宗閔提舉軍馬程迺等俱死之

系文獻通考 卷之六十三
曾孝序字逢原晉江人建炎初知青州金兵至為叛卒所
害城遂陷贈孝序光祿大夫謚威愍子許承議郎餘贈
官有差

陳求道字得之咸寧人建炎中為襄鄧隨郢鎮撫未幾招
撫劉忠叛欲奉求道為主求道正色斥罵賊拔出舌斷
之妻及二子俱被害

王琦字門若巡檢建炎中禦金人于熙河金人立招降旗
衆皆招拜琦獨不拜金人殺之

楊粹中真定人建炎二年知濮州時金人入寇粹中固守
月餘城陷粹中登浮圖不下粘罕嘉其忠義許以不死
粹中竟不屈而死事聞贈徽猷閣待制

向子韶字和卿敏中之從孫舉進士累官京東轉運使高
宗朝知淮寧府金人犯城子韶親擐甲胄率諸弟誓以
死守及城陷為賊所執執手責罵金人殺之闔家遇害
贈通議大夫謚忠毅

周中維州人建炎二年金人攻城中率家衆乘城拒守城
陷闔門死之紹興六年贈官

杜昉為密州通判建炎初寓居武陵賊鍾相亂欲強使從
已昉罵不絕口遂遇害

上官悟字仲達用蔭累官秘閣修撰充京畿轉運使建炎
三年為京東副留守時劉豫叛降金因遣人說降悟斬
其使復賂悟左右使說悟復斬之金兵攻東京愈急力

不能支城陷死之贈右文殿修撰官其後五人

王復知徐州建炎三年女直陷徐州復死之闔門百口皆被殺贈資政院學士謚壯節

章雲就麗水人建炎中賊將逼處州雲就以守將募往諭降賊許諾既而官兵掩至賊以爲賣已遂遇害後人立祠祀之

張縝金壇人建炎中守揚州金兵圍城城陷縝及妻子皆死之

楊邦乂吉水人政和進士知溧陽縣僕射杜克隆金濟江鼓行迫城李稅陳邦光率官屬迎拜邦乂以血書衣裾曰寧作趙氏鬼不爲他邦臣金將宗弼遣人說之明日

遙望宗弼大罵宗弼怒剖其心事聞贈直秘閣賜田三頃官爲殮葬卽其地賜廟褒忠謚忠襄官其四子

崔縱字元矩臨川人高宗將遣使通問二帝縱毅然請行乃授朝請大夫右文殿修撰試工部尚書以行比至首以大義責金人請還二帝又三遺之書金人怒徙之窮荒縱不爲少屈久之金人許南使自陳而聽其還縱以王事未畢不忍言又以官爵誘之縱以恚恨成疾竟握節以死洪皓還始歸縱之骨詔以兄子延年爲後

洪皓樂平人建炎初使金不屈欲殺之一酋曰此忠臣也爲請免死得流冷山凡一十五年恒以仁者以大事小智者以小事大章諭金酋故宋得與金和歸卒謚忠宣

吳安國字振卿處州人紹興中以太常少卿使金值金人
渝盟拘留脅服之安國毅然正色曰我首可得我節不
可奪惟知竭誠死王事王命惡敢辱金人不敢犯遣還
後知袁州卒

朱弁建安人文公叔父紹興中副王倫使金金人令使與
副探籌歸報弁曰吾將命出國門已置死生度外豈幸
得先歸哉古者使人有節今無節有印願以印留于我
正使先歸吾獨在此于是倫解印與之而歸弁留金十
餘年備嘗艱苦後與洪皓俱歸至今子孫有留印堂

林冲之字和叔莆田人靖康初以主客郎中副中書侍郎
陳過庭使金同被拘執初猶給乳酪迨宇文虛中受其
命金人亦以是邀之冲之奮勵見詞色金人怒徙之奉
聖州二年過庭卒金人逼冲之任偽齊不屈徙上京又
不屈置顯州極邊沍寒之地幽佛寺十餘年漸復飲茹
以義命自安髭髮還黑病亟語同難者曰某年七十二
持忠入地無恨所恨者國讐未復耳南向一慟而絕僧
窆之寺隅洪皓歸朝以聞詔與二子官過庭亦卒于燕
建炎中謚忠肅

滕茂實字秀穎東陽人一云臨安人靖康元年以工部員
外郎假工部侍郎副路允迪出使爲金人所留時茂實
兄絢通判代州已先降金粘罕素聞茂實名乃遷之代
州又自京師取其弟華實同居以慰其意欽宗自離都

城舊臣無敢候問啟居者茂實聞欽宗將至卽自爲哀詞且篆宋工部侍郎滕茂實墓九字取奉使黃旛裹以授其友人朔寧府司理董詵欽宗及郊茂實具冠幘迎謁拜伏號泣金人諭之曰國破主遷所以留公益將大用逼令易服茂實力拒不從見者墮淚茂實請從舊主俱行金人不許憂憤感疾卒雲中詵歸錄所爲哀詞言于張浚以詵爲陝西轉運判官上其事紹興二年贈龍圖閣直學士官其家三人

魏行可建州建安人建炎中以太學生應募奉使補右奉議郎假朝奉大夫尚書禮部侍郎充河北金人軍前通問使時河北紅巾賊甚衆行可始懼爲所攻旣而見使

旌皆引去行可見金人于澶淵金人知其布衣借官待之甚輕留不遣行可嘗貽書金人警以不戢自焚之禍大國舉中原與劉豫劉氏何德趙氏何罪若亟以還趙氏賢于奉劉氏萬萬也紹興六年卒十三年張邵來歸言行可執節没于王事行可父通直郎伯能亦愬于朝遂贈朝奉郎秘閣修撰先已官其二子一弟至是復官其一孫行可之使也吳人郭元邁以上舍應募補右武大夫和州團練使爲之副不肯髡髮棄官亦卒于北閩進隸宣武建炎初遣使通問進從行旣至雲中府金人拘留使者散處之進亡去追還留守高慶裔問何爲亡對曰思大宋耳又問我主待汝有恩汝亡何故進曰錦

衣玉食亦不戀也慶裔義而釋之凡三亡乃見殺臨刑
進謂行刑者吾南面受刃南則我皇帝行在也行刑者
曳其臂令面北進踴身直起盤旋數四卒南面就死
朱勣爲武進校尉從使者至北在粘罕所爲求妻室固其
意不半月亡去追之還勣含笑死挺下

李之邵建炎初爲新喻武尉隆祐太后幸虔州從後軍叛
之邵拒之兵敗不屈大罵賊賊殺之賊酋壯其言誅害
之邵者

易青惠州人爲都督行府摧鋒軍經畧使效用紹興中爲
廣賊所執終不從賊怒焚死之贈保義郎閣門祗候
何斌爲殿前司將官董德興提禁旅戍邵武紹興中竭力

御盜而死其屍殭立移時始什贈武節大夫錄其後一
人

連萬夫建炎四年郡賊犯應山破之賊知萬夫勇敢謀欲
留萬夫萬夫怒厲聲罵賊爲所害贈右承務郎

鄭覃字季厚明州人靖康二年貢于鄉建炎四年金人陷
明州覃爲兵所劫去逼使之降厲辭罵不屈躍入水中
死妻董亦自沈後以孫清之顯貴贈太師秦國公董秦
國夫人

趙立徐州益村人建炎四年以鎮撫使兼知楚州堅守孤
城爲飛砲所中而卒贈奉國節度使儀同三司官其子
孫十人謚忠烈

阮駿字千里莆田人紹聖初登進士第建炎初為河南府少尹金人來寇拒戰不利亟收兵護神御殿而以餘兵再戰兵敗抱神御罵賊至死聲不絕口特贈奉直大夫薛慶起羣盜據高郵後歸朝與金人力戰而死贈保寧軍承宣使官其家十人封其妻顧氏

楊照濠州將官也金人圍城照刺賊洞腹抽腸俄中流矢死有都統丁金者遇賊十八里洲被圍大呼其徒勉以毋得負國一舟二百人皆鬪死並贈承信郎錄其後

蔡昌進賢人建炎初以書生為閣門祗候舍人王虎謀逆率鄉民力戰死之紹興中贈修職郎

凌唐佐字公弼休寧人登元符進士建炎初知建康府城陷劉豫使守應天唐佐欲圖豫密疏虛實上于朝事泄被捕見豫責豫曰國家何負于汝而反面事虜耶豫怒命引出斬之事聞贈徽猷閣待制

閻琦靖康中為承務郎二帝北遷後宗室南渡不及者多散民間豫募人索之琦匿不以聞為豫杖死

劉化源暹州人知隴州城陷被執金使人守之不得死遂驅入河北鬻蔬果隱民間十年終不屈辱同時原州通判朱璞簽書溥州判官劉長儒皆與化源同鄉亦不屈于豫紹興中各轉兩宮奉祠又鳳翔教授陰暉彭陽知縣李嘉皆守節不屈贈朝奉郎官其家一人

龔楫字濟道原之孫仕為兵部侍郎本處州人居和州元

木據和州楫率家屬襲之不克而死

方允武衢州人為宜興巡檢建炎三年與金寇力戰而沒
曾志字仲常鞏之孫建炎初通判温州金酋巴八陷越志
獨不屈盡驅其家屬四十口同日殺之事聞官其弟與
三子及兄子皆將仕郎

宋昌祚和州鈐轄建炎初兀朮犯和州州人推昌祚權領
軍事城破昌祚與倅唐璟歷陽令蹇譽司戶徐號縣尉
邵元通及指揮鄭立軍士胡廣皆死譙樓上軍士多不
降保淝湖水砦事聞贈官錄其子弟

郭瓚內江人建炎初為汝陽令金人陷城瓚朝服坐廳事
戟手大罵與二子俱死

金光庭羅源人累官光祿寺丞出知南陽郡建炎初金人
陷南陽不屈而死舉家悉遭殲戮

王相如宣城人建炎初江右盜起被執逼令草檄相如奮
髯曰吾雖死不能為賊作牒遂遇害盡室殲焉

趙不試太宗六世孫建炎初知相州金人求割地不試固
守不下及州被圍久外援不至不試知不可為遂登城
與金人約勿殺許之既啟門乃納其家井中然後以身
赴井命提轄官實以土州人皆免于死

趙令晟燕懿王玄孫建炎中知黃州城陷不屈而死贈徽
猷閣待制謚忠愍

趙振伯太宗八世孫建炎中通判鄭州守城力戰遇害贈

朝請大夫官其一子

趙叔憑太宗之後建炎間為陝州都監金人圍陝州既久
援兵不至城危時叔憑子官盧氏遺以蠟丸書曰人臣
當死難况吾以近屬其可辱命耶死固其所也遂死之
時通判王沂職官劉效陳思道馮涇李岳杜問縣令張
玘蔣佐盧亨等五十一人俱死無降者

趙士跋漢王曾孫靖康末為右監門衛大將軍吉州圍練
使金人驅宗室北行士跋得間遁去居邢州結土豪
將舉義金人覺而殺之贈保寧軍節度使謚忠果
趙叔皎秦悼王四世孫建炎中為德州兵馬都監城陷為
金人所執不屈而死

趙訓之字誨道秦悼王五世孫建炎二年知吉州永豐縣
與尉陳自仁衛孟太后于虔州俱為叛賊所害贈訓之
朝散郎直秘閣謚忠果自仁通直郎

趙聿之安定郡王叔東子建炎中為成忠郎金人陷潭州
為所執大罵而死贈左監門衛大將軍時武經郎衛玠
亦死之贈武經大夫皆官其家

李直字可大交州乾封人建炎中劉豫使守大名密謀圖
豫事洩而死贈官立祠曰愍忠又有武顯大夫孫安道
為應天府兵馬鈐轄城陷不得歸謀挺身還朝為人所
害而死贈忠州刺史

陳淬字君銳莆田人建炎中以淮南招撫使援建康與從



子仲敏俱死贈拱衛大夫明州觀察使官其子壻

郝仲連昌化人建炎中爲貴州防禦使權河中府事城陷
不屈及其子皆死贈中侍大夫明州觀察使

韓青爲熙河馬步軍第六將間行從劉惟輔爲金人所擒
罵不絕口死

疆霓自金歸宋知環州與其弟震堅守孤城城陷不屈死
焉贈觀察使立廟西和州賜額旌忠

李伸知天長縣建炎中金虜陷城不屈而死

牛皓福津人爲川陝宣撫後軍中部將與金人力戰而死
時承信郎高萬且罵且戰與熙河路部將任安宣撫司
隊官秦元薛琪張亨皆死于陣後皓安贈翊大夫官其

家五人贈萬元等官錄其子

孫暉霍丘人靖康之亂率淮民團結保護鄉井擢招信尉
建炎中金人將渡淮暉率射士民兵禦之城陷竟死于

勅書樓

屈堅爲忠州防禦使建炎三年救陝府圍被害贈三官錄
其家五人

方致堯寧國人賊戚方寇寧國致堯中流矢臥不能起遂
爲所執罵而死謚義烈詔立祠祀之

主棣守開德府建炎二十年九月金兵寇開德棣死之
孫安武長沙人爲州學正金人入城安武率居民巷戰金
人四面縱火人皆竄伏惟安武挺身罵不絕口死

劉玠潭州將官建炎中金人陷潭州玠挺身血戰中數十矢死于陣民爲立廟張栻作記

胡唐老字俊明宿之曾孫也建炎中知鎮江府潰卒戚方等欲犯臨安唐老諭以順逆衆環脅之唐老怒罵遂遇害贈徽猷閣直學士謚定愍時安撫司機宜鄭凝之亦以兵死詔官其家一人

王儁以通判真州權通判廣德軍建炎末戚方爲亂與權判官李唐俊權法司潘偁權知廣德縣韋績權丞蔣瓊皆死俱贈卹

朱嗣孟樂平人以廣德司戶安撫戚方被害贈宣教郎官其子

劉晏字平甫嚴州人以遼進士來歸累功直龍圖閣後授

宣城爲戚方所害贈龍圖閣待制官其子四人死所立

廟曰義烈

鄭振字亨叔仙遊人率鄉兵禦詹鈇又賊遇害廟食里中袁顯益陽人建炎中湘寇楊么猖獗顯請于縣宰魏舜臣團鄉兵以捍一日賊傾寨來戰顯極力鏖戰爲賊所得賊欲用之顯罵賊不屈么置諸鼎鑊而死

程全休寧人爲筠州都監金人犯江西守臣遁全攝州事賊劫掠至郡全領兵拒之兵少力罷賊遂剗其腹而去贈協大夫錄其子孫

孟彥卿忠厚從父建炎中通判潭州與潰賊杜彥戰死于

瀏陽時添差通判趙民彥邑士謝淳俱于賊力戰被執
殺之贈彥卿民彥直龍圖閣官其家各三人淳贈成忠
郎官其子希古後朱熹帥潭為請立廟

王煥知武當縣建炎中賊犯均州煥率邑人保山寨賊至
或勸之遁煥曰使吾有此心則不能與邑人為此舉矣
遂舉家死之

謝臯開封人為鎮撫使統制官建炎中李成陷號川欲降
之臯指腹示賊曰此吾赤心也自剖其心以死

薛良顯字貴勤瑞安人以河東轉運使與江寧亂軍周德
力戰不勝而死贈諡甚渥

丁公膺醴陵人為高郵尉紹興初拒金兵力戰死之朝廷
嘉其忠節官其子倚

梁楚電白人紹興中攝縣令交趾犯境力戰連斃數賊後
城破被害高宗贈禮部侍郎

唐傑知扶風縣與金將馮宣戰宣愛傑欲招之傑奮曰吾
當死于陣不能降敵宣乃殺之

徐景知興化縣楚民胡德等寇掠馳入縣治景諭以順逆
禍福賊怒欲害之景曰人誰不死得死王事亦何不可
但勿傷百姓吾含笑入地矣賊義而不加害

王玠斲黃鎮撫使司幹辦公事會鎮撫使孔彥舟謀叛玠
開陳百端不聽入罵曰逆賊萬段彥舟怒并家屬沈之
龍眠磯

范旺順昌人爲縣巡檢司軍校紹興初順昌盜俞勝苛作亂土軍陳望者與射士張袞謀舉若應之旺叱不從凶黨剔其目而殺之妻子皆遇害賊平旺死迹在地隱隱不沒邑人驚異爲設像城隍廟歲時祭享六年詔贈承信郎更立祠號忠節二十八年復詔立愍節廟以祀之呂祉字安老建陽人宣和初上舍釋褐紹興中知建康府累官兵部尚書參謀軍事以酈瓊叛執祉迫使趨劉豫祉大罵不從遇害贈資政殿大學士慶元間立廟賜額以旌其忠

李靚龍泉人紹興十年與虜戰敗死之詔贈兩官仍官其一子

舒繼明羅山人善射紹興間守信陽僞齊劉豫襲郡城矢盡被擒罵賊而死

唐敏求字好古當塗人爲德化主簿盜起挺身率衆扞禦遂遇害贈升朝官補其子楠將仕郎

王師道字居中兗州人紹興中任吉州粟傳若巡檢與賊戰于吳村而死立廟其地官其二子

楊載涪陵人金人立劉豫載願得白刃橫行虜中當手刃劉豫張浚壯其言使偕十士至金僞降載行反間豫果廢及欲刃虜酋而十士已亡其八遂決南歸

朱勇利州都統捍金人有功戰于瓦亭寨被執罵不絕口死賜廟名忠節

朱友恭涇源路第一副將捍金人有功後被執不降遇害
朱蹕湖州安吉人爲錢塘令金兵迎戰欸敵使民得爲逃
計中流矢創甚猶叱左右負已擊賊後數日遇害

王倫大名人紹興十四年以行人使金金欲以爲平灤二
路都轉運使倫曰奉命而來非降也金脅以威倫拒益
力俾縊殺之倫遂冠帶南鄉再拜慟哭曰先臣文正公
以直道輔相兩朝天下所知臣今將命被留欲污以僞
職臣敢愛一死以辱命遂就縊於是河間地震雨雹三
日聞者哀之

姚興相州人以武功累遷荆湖南路兵馬副都監紹興二
十一年金人渝盟興隸都統王權麾下時權奔仙宗山
嚴兵自衛興告急數不應初李二者嘗有私恩于權因
得出入軍中竊權旗幟以遺金人至是金人立權旗幟
以誤興興奔之父子俱死焉詔贈容州觀察使謚忠毅
立廟戰所賜額曰旌忠

孫知微高宗時通判舒州淮賊劉忠薄舒州知微繕城郭
治甲兵力與之抗久而不下及入舒知微被執又不屈
忠怒斮食之後朝廷官其二子

李明高宗時金兵入犯明從宣撫使楊存中力遏其衆外
援不繼死之廕其子守中爲進武校尉

李邁字彥和龍泉人紹興中以承信郎與金人戰于西京
天津橋死之

劉宣為秦鳳路兵馬都監密遣蠟書與吳玠相約且欲率金將任拱等以所部歸朝金人覺取宣縷髻之家屬配

曹州

韓浩知淮州高宗時金兵攻維州城陷浩與通判朱廷傑皆力戰死北海縣丞王允功司理王震皆全家陷沒浩特贈三官官其家三人餘各官其家一人

王忠植太行義士紹興中以功為河東經畧安撫使為叛將趙惟忠所執不屈而死贈奉國軍節度使開府儀同三司官其家十八

唐琦本衛士建炎中欲襲擊金將琶八不克而死詔立廟賜名旌忠

馬俊太平州慈湖裝兵紹興中周青等據州叛俊謀青左

右得其陰謀潛結其徒期殺賊于是伺青上馬砮中頰

而其徒不敢前遂與妻子俱遇害贈俊修武郎立祠號

登勇

翟興字公祥河南伊陽人紹興元年為忠州團練劉豫憚

之嗜裨將揚偉以行偉殺與攜其首奔豫乘進知河南

府亦為賊揚進所害俱贈官錄其家

劉惟輔涇州人任熙河副總管為金人所執誘之百方竟

不從而死詔贈昭化節度使官其子孫十二人立廟成

州號忠烈金人合葬於涇州

朱良字良伯仕海鹽尉時金人分兵入境良集射士百餘

奮而前然力不敵竟死事聞官其子思孜等

劉十六節瑞金人金虜犯境十六節昆弟人義勇戰死

岳飛以聞詔立祠旌之

魏彥明開封人通判延安金人陷西城彥明死節詔贈中

大夫官其一子

郭正孫邗州人官大府寺丞帥興元金人內侵屹守孤城

三戰三却左右勸之避正孫不從遂死于敵

金從龍浮梁人知盧州虜寇大至力不能支死之贈官

其子

張文之樂平人通判濠州金兵至被執送燕山欲授以官

不應曰之士窟後王朴清于囚得一家書附還朝廷悼

嘆且給恤其家官其子孝忠

黃友字龍友平陽人也金人入寇友通判瀘州戰敗被執

不屈死之帝書忠節傳家四字旌其門

鄭驥字潛翁玉山人建炎初以直秘閣知同州金人來寇

驥援絕力孤城陷虜衆欲降之不屈自死謂太守者守死

而己遂死之詔贈通議大夫謚成愍官其子五人後復

加贈樞密直閣學士立祠同州賜廟額曰愍節

毛士毅富川人為化州石城令李接及來攻城士毅謂尉

曰吾與君當以死衛百姓糾合義丁與賊戰衆寡不敵

遂罵賊死高宗贈承事郎

劉德格信人知滁州節制徐泗二州軍事金人入寇遣使

誘降位斬其使後出戰中流矢殺于陣贈建寧軍節度使建廟徐陽縣剛烈

邊知章字公望通判開德府金人犯關尋以和退明年冬

虜大至城不知章軍潰死之贈朝散大夫官其二子

章承壽以統制官紹興末與子承節同死于和州父子同

贈官

种朴洛陽人諤之子以父任右班殿直累遷熙河蘭會鈐

轄兼知河州時蕃部叛屬羌何章入寇帥胡宗回使朴

討之朴至州纔二日賊鋒方銳且盛寒欲姑徐之馳檄

至六七不得已遂出兵羌知朴未伏以待朴遇伏首尾

不相應朴殊死戰為賊所殺事聞贈雄州防禦使官其

後十人

張玘字伯玉鹽池人紹興末以御營宿衛軍前都統與金

人力戰于海州北中流矢卒贈正任觀察使官其後九

人廟號忠勇孝宗即位又命祠于戰死贈清遠軍承宣

使子世雄武節大夫

陳亨祖淮寧大豪紹興末以功知海寧府子金兵力戰奉

家五十餘人皆死贈容州觀察使立闕忠廟于光州

劉泰樞奉院忠義前軍正卒也金人犯壽春泰身故數十

創死贈武翼節官其家三人

郭傑字同升祥符人以父任調東海縣尉歷遷通判全州

權梁宰未行會賊張項已逼縣境衆止之傑曰安逸則

就艱危則拜非我師學竟至驟約束吏卒誓以死戰賊
聞之偽降既入邑為變官皆竄伏僕曰昔為宰義不阿
去端坐公署賊徒至僕大罵不絕口遂遇害詔贈承議
郎錄其後二人
王觀國登紹興壬辰進士授陝州宜興縣尉過黃中賊不
屈遇害事聞詔贈官一等
王拱建康府前軍統制隆興五年與金人力戰于江北而
死贈正任觀察使即其墓立忠節廟又忠亮大夫朱贇
亦死之贈承宣郎
吳庸淳熙間李接作亂庸與同郡徐邦直唐捷起兵禦不
克庸歿于陣徐與庸罵賊而死帥劉惇止其事俱贈承

勳仕節初官其子人嘉慶中德金標宋忠王親臨死
王輝貴州人嘗為粟傅裝巡檢淳熙五年擊茶寇為賊所
得欲全之含血大罵遂死贈忠州刺史與息澤之人立
廟羅坡
楊震仲字華文成都人淳熙中吳曦招之於從歛毒死贈
朝奉大夫直寶謨閣官其二子表其里曰義榮諱節毅
立廟旌忠
吳政寧宗嘉定十三年女直寇西和成鳳州入黃牛堡政
李誠之字欽茂東陽人寧宗時知蘄州金人南侵城陷子
士元戰死誠之引劍持自刎呼其孥自城已破時年宜

速死無辱妻許及婦若孫皆赴水死事聞贈朝散大夫
李秘閣修撰封正節侯賜廟曰褒忠
秦鉅字子野檜曾孫通判蘄州城破自焚而死贈秘閣修
吳挺封義烈侯祀于褒忠廟子茂輝同死贈通直郎諱祐
二十二年加封鉅義烈顯節侯時教授阮希甫防禦判官
趙汝標皆死之同時死事者蘄春主簿雷時鳳錄事參
軍兼司戶杜諤監蘄州都大監轄蘄口鎮倉庫嚴剛中
各贈官有差又統制官孫忠小將江士田陳興曹金丘
下軍士李斌等皆闕死司理參軍趙與裕奪關出外求
王援而全家十六人皆沒黃州陷守臣何大節亦投水死
陳霖字傳容泉州人嘉定中為瑞金尉不屈于賊而死

徐梅龜壽昌人為霍丘尉虜寇犯境梅龜與子尚皆死
之理宗嘉其忠贈梅龜宣教郎尚古承信郎各官其子
劉者知天水縣金兵犯境掠者行囊視其詰命曰隨我去
官北朝者罵曰我為南朝鬼不為番賊官遂遇害
彭義斌理宗寶慶元年領兵徇真定嚴實以蒙古兵來襲
義斌死之
陳寅咸子升鄉孫知西和州寶慶年蒙古入西和寅謂妻
杜氏可避兵鋒杜氏厲聲曰安有生同君祿死不共王
事者寅死之杜氏飲藥自殺二子及婦俱死毋傍濟客
同死者六十八人
黃復字乾叟歙縣人寶慶二年第進士後攝滁州因虜攻

黃城援不至殁在圍中遺子書曰父老矣食君之祿繼之
以死雖死猶生也

賈子坤童月懷安軍人為西和州推官寶慶中虜至城陷
與其家人俱死之日未嘗有言

舒瀛字登甫奉化人登寶慶二年進士第授衢州西安尉
兵難卒起瀛先衆捍敵死之朝廷嘉其忠官其子模

曹孝先字元先奉化人官承直郎任楚州錄事參軍寶慶
乙酉沒于主事贈通直郎官其子說立廟旌旌忠

劉純字君錫建陽人以父廕補沙縣簿紹定間調湖北帳
幹知邵武縣會率兵招降不懼賊為賊所得不屈死之

餘事聞贈朝散郎與二子下州文學後又封壯義侯謚忠

烈純之族翰謚忠顯子羽謚忠定琪謚忠肅頌謚忠間
純謚忠烈為五忠列人

趙師檟淮右人以罪客游于閩紹定中寇起汀州司農
卿丞潘景伯嘗守高郵知師檟荐于提刑王夔龍保統兵

禦尤溪賊大書旗上曰誓不與賊俱生轉戰田中馬陷
于泥賊斬左臂檟以右手殺賊力盡大呼曰師檟報國

死于此矣遂殁嘉熙初都承旨王埜上其事贈武節郎
高氏為立廟名忠愍曰

高談字景遂邵武光澤人紹定二年為旁郡賊執欲其率
帥子弟東破武陽談唾賊大罵遂遇害而里人賴以免

曹友聞字允叔彬平二世孫端平初權知沔州與蒙古兵

曹戰于鷄冠隘與弟萬皆死贈友聞龍園閣學士大中大夫賜廟褒忠謚曰節官其二子承務郎塔迪功郎贈萬武翼大夫官其二子成忠郎一子承務郎塔迪功郎贈萬高豫蒲江人魏子翁同產也知河州端平二年蒙古濶端入河豫死之贈龍園閣直學士謚曰忠其子承務郎塔迪功郎贈萬李復明為江陵統制端平三年蒙古將忒木得寇江陵復明死之

楊壽孫為雲安軍主簿端平中元兵至中江縣與將官何進庚步惟臣田廣直友坤等連戰二日俱死之贈恤有加刊銳知文州嘉熙元年元兵攻急銳集其家人尺飲以藥而死家素有犯法幼子同哥方六歲授以藥猶下拜受

之左右感慟銳父子三人登文王臺自刎死

趙汝歸宣城人為文州通判城陷不屈元人先斫其兩臂

而後斮殺之

何克漢州德陽人通判黎州檉州事元兵破關自刺不死

百方誘之終不從臨死時東望再拜曰臣夫婦同死可

以對趙氏無愧矣上下感泣同死者四十餘人勇士麟

孫駒行送子仲桂先死惟長子士龍得免

廖葵潼州通川人通判金州端平中元兵攻陷金州葵奉

家死焉弟維之利州行參軍事亦迎敵力戰死官其弟

五進字純文統州樂平人紹定間為固始縣簿檉邑事金

兵犯洎守令望夙遁去逆度力不能禦懷印自投于井

而死
鄭勳字景周真化縣人嘉泰壬戌登第端平中知博羅縣
熊喬部下回成卒焚掠州境或勸勳避其鋒勳曰吾為
長官見賊而去如吾民何表冠坐廳事賊至諭以禍福
不屈死之事聞贈朝奉郎
陳隆之為制置使成都將田世顯以賊叛隆子蒙去隆遺
奉家數百口死于先兵贈徽猷閣待制加與兩早恩澤
吳從龍字雲奉化人紹定中以建寧都統制為先鋒援不
赴至被擒不屈而死廟祀恭揚三州賜額褒忠堂其國外從
忠

孫益泰興人紹定中李金犯揚州應縣合兵檣落為兵後
平賊勢甚盛身先赴敵死之贈保義節度使其子十人同時
顧緒顧珣皆戰死贈恤亦同
至仙蜀都統守落州二年城破自刎斷其腕不死以兩手
自槌其首而墮
曹琦蜀進士知南平軍被執脫身殺制置司辟至管機宜
文字聞統制趙安以賊降就安禦地自縊死
侯富字道子樂清人寶祐五年制置使賈似道辟通判海
州于山東賊李松壽鑿戰于連山圍塞遇害忠旌忠廟
新于海州謚節毅仍立廟其鄉
張順為兵部將也開慶中與張貴同救襄陽不克而死立

廟祀之特許也... 陳元桂撫州人開慶元年元人侵臨江元桂力疾督戰有
勸其移治者曰時事如此與其死于饑寒盜賊孰若死
于守土之為光明俊偉哉遂死之詔贈侍制益正節賜
錢二十萬官其二子勅立廟祀旌顯忠
曾頊紹興人開慶己未為瑞州錄事寮軍以命符各駭
賑恤饑民值元兵至被擒不屈死之事聞贈秩官二子
羅夢棧新喻人景定元年兵入靖安夢棧死之贈宣教郎
官一子
許憲孫奕之子為四川制置司參謀官景定三年知瀘州
悉列整將投降于元命憲孫章其憲孫白腕可斷筆不可

書合門服藥死整既降都統張桂官拜及統制金文
德戰死納溪曹顛合門死之景定四年陝州都統胡
世全護糧運至虎象山戰死咸淳二年元兵取開州守
將龐彥誨死之德祐元年瀘州守梅應春以城降珍州
守莊彥清巷戰死之
密祐廬州人守隆興咸淳中元兵亦降興密祐為都統兵
敗被執不屈而死
張漢英奉化人為樊城守將時樊城被圍四年與都統制
范天順牛富力戰不降既城陷漢英死焉天順仰天嘆
其自生為宋臣死當為宋鬼於將處縊死牛富身被重傷
以頭觸柱赴火死裨將王福見富死嘆曰將軍死國事

昔豈宜獨生亦赴伏死後天順贈定並軍承宣使因重
史季儉威州棋城主簿也成都陷季良震主搢揚誠夫第
先為死各持贈兩官其子下州文學也天順則天光
季翊宗公輔即縣人嘉熙元年為制置使丁黼參議官既
兵破蜀朝服赴井死時轉運副使蒲東卯亦死之元兵
破漢州權州事判官都復錄事參軍羅由司戶
參軍趙崇啟知雅縣羅君文皆不屈而死復雍六世孫
也兵入眉州知州稜縣馬仲燁死之取簡州簡守李大
全死之邛守趙晨力戰死之至遂寧民兵趙用拒賊臂
已斷而戰不休至重慶進士胡天啟夫婦同厲賊死翻
與趙所勳同立廟賜諡餘獲恤有差寶祐六年免兵援

吉平溫守將楊祀周德榮死之按長寧守將王旌父子
俱死至閬州推官趙廣死之至蓬州轉運使施擇善死
之至順慶帥守段元鑑堅守為麾下殺之以降不與
陶居任蕪湖人為鎮江錄事參軍元兵來攻城陷被執居
唐在自得以死報朝廷夫何憾竟不屈為死殺護權還家
將流教百里不時而至鄉人異之為立祠林原崇奉也
張孝忠淮人德祐初呂文煥道元兵東下知信州謝枋得
走入安仁調孝忠逆戰圍湖埠矢尽揮雙刀擊殺百餘
人後伏兵斃孝忠中流矢死
土世昌德祐初權瀘州安撫使後元兵逼城誓不屬節城
破自縊死

邊居誼隨州人為新城守將咸淳中元入進逼新城居誼
上堅壁不降呂文煥至城下招之居誼射煥中其右臂索
死詔三千死戰皆沒居誼赴火死事聞贈利州觀察使
去廟死死
趙昂字漢卿昌化人德祐元年權守池州元人陷池州
昂發死之初元人遊騎至李王河都統張林詭昂奔迎
降昂奔矐目視林不敢復言已而林陰遣人納款昂奔
知事不濟乃謂妻雍氏曰城將破吾守臣不為去死先
出走雍曰君為命官吾為命婦君為忠臣吾獨不能為
忠臣婦子昂奔笑曰此豈婦人女子所能也雍曰君請
先君死昂奔笑止之明日乃散其家質車薪極僕婢悉

王遣之及元師薄城昂奔晨起書几上曰國不可背城不
可降夫婦同死節義成雙遂与雍俱盛服同縊隱谷堂
伯顏入城問太守安在左右以死對深歎惜之命具棺
衾合葬祭其墓而去
唐震字景實會稽人為饒州知州元軍入饒遣使來取降
款通判嚴執震降震怒叱之曰我何忍偷生負國也城
未中年少感震言殺元使者已而城陷執贖使署降震於
屈遂死焉兄椿與家人俱死贈文華閣待制謚忠公廟
號忠官其二子震容馬驥何新之後俱死節
江為里鄱昌人以故相家居聞元兵破襄樊乃鑿池芝山
後園扁其亭曰止水人莫喻其意及城欲破遂赴止水

死左右及子鎬相繼投沼中積屍如臺翌日萬里屍獨
浮出從者欲葬之贈太師益國公諡文忠
鮑康知臨江軍元人徇臨江康死之
馮仲燁知丹徒縣元兵入眉州仲燁死之
朱立為江西都統元軍畧江西立逆戰於江坊兵敗被執
不降繫獄制置使黃萬石奉軍降元元行省遣萬石諭
立曰吾官銜一牙牌書不盡今亦降矣立曰侍即國家
大臣立一小卒耳但三世食趙氏祿趙亡何以生為立
乃陳土生擒合死之人與殺拜者不同萬石再三諭之
不屈遂遇害
阮應得身無錫德祐中蒙古兵入無錫應得死之

王汝翼知廣德縣德祐中元人入廣德汝翼死之
司馬夢求監岳州沙市城鎮德祐中蒙古阿里海涯入岳
州沙市城夢求死之夢求司馬光五世孫也人至高
夏椅安慶通判蒙古兵犯安慶知府范文虎以城降椅力
王不能首為曰有死而已乃飲藥卒衣襟中有遺筆法職
當其遽厄逢其否負吾君親方寸亂矣命在死逃當死
而死五十六年歸其天理
趙與糖守寧國德祐初蒙古陷寧國與糖死之
姚書知常州德祐初蒙古伯顏陷常州書與通判陳炤都
統王安節死之炤字光伯常州人城陷或勸是書炤
曰去此一步非死矣遂止死焉安節堅之子也守常

其力圖恢復不克而死贈晉龍圖閣待制昭道寶章閣
並官其子時節度判官胡應炎武進知縣包圭俱晉陵
州人亦同戰死
徐道明常州人幼觀道士德祐初元兵陷城道明知太守
姚崇死守取觀之文籍置石函藏坎中危坐煇香讀老
子書兵至以刃脅使拜不為動遂死之
汪立信新安人德祐元年賈似道將出師召立信為招討
使俾就建康府募兵以援江表諸郡既至建康守兵悉潰
四面皆元兵立信知事不可成率所部四十人至高郵
自欲投引淮漢以為後圖及聞似道師潰漢曰吾今日猶
王得死矣王乃扼吭而死

劉霖昌州永川人後居瀘州安撫使梅應春以城降元霖
說合州張珩潛斬關入城殺應春復瀘州珩以霖知南
平軍後卒死于兵
彭震龍永新人知永新縣值元兵至城守不下親率鄉
內應執震龍去震龍罵不絕口腰斬之
蕭燾夫字兄敬夫吉安人見文天祥起義兵兄弟協贊彭
震龍謀復永新縣屠兄弟同死之
尹王寧都人從文天祥勤王死任伍牧贈濠州團練使官
其二子賜田二頃以恤其家
程殊休寧人淳祐十年進士授貴池縣簿調車坑縣德祐
元年建康陷首官投牒降附程殊自縊而卒

李成大字實夫建昌人德祐初知金壇縣元兵至與戰不
勝吏民脅之降乃潛去胡用存謀復金壇事泄繫獄至
殺其二子終不屈死贈直秘閣謚忠節

李天勇臨川人德祐初元攻饒州天勇統強壯應援兵敗
與張忠孝俱死之

李希字叔章由廣平為汴人官潭州知州元兵圍潭日
希慷慨登陴與諸將分地而守民老弱皆結保伍相助
不令而集希日以忠義勉其將士死傷相藉猶乘城殊
死戰城將陷召帳下沈忠遺之金曰吾力竭分當死吾
家人不可辱于俘汝殺之而後殺我忠誓而諾取酒
沃飲其家人尺醉乃徧刃之希亦引頸受刃忠繼焚其

李居還家殺其妻子復至火死大慟奉身投地乃自刎
議揚震赴園池死妻妾奔救無及遂皆死幕僚陳億孫
顏應焱皆死潭民間之多舉家自焚城每虛井溢於林
梢未者相望寶慶通判曾如驥亦不屈而死事聞贈景瑞
明殿學士謚忠節

尹毅衡州進士寓居潭城元兵至知事不可為乃為其子
冠招鄉人行冠祀鄉人曰此何等時行此迂闊事毅自
脗正欲令兒曹冠帶見先人于地下車旣畢祀其家人
自焚潭太守李希命以酒酹之

李長庚為湘潭丞元兵至被執不屈死之
趙良諱汝愚曾孫為安吉州知州與提刑徐道隆固守元

建兵圍安吉范文虎致書誘良諒降良諒焚書斬其使既
李而或將吳國定開門納元兵良諒閉閣自經道隆見執
守者少急亦赴水死

鄧得遇字達夫邛州人德祐二年為廣西提刑守蒼梧元
人狗桂林計南望拜書紙曰宋室忠臣鄧公孝子不忍
倫生寧甘溺死彭咸故居乃吾潭府屈公子平乃吾伴
偕優哉游哉吾得其死遂投南流江而死

徐夢發浦城人登嘉熙二年進士累官朝議大夫廣奉
招捕使德祐二年元兵下江南夢發守仙霞襲兵猝至
左右皆潰夢發獨踞坐大詭遂遇害
李甲巽知止猶歟德祐二年元兵攻止猶甲巽死之邑人

李梓家四十七口俱死之
豐存芳字公茂鄞人從孫也為太宰州倅景炎元年蒙
去古兵至知州孟知祥謀以城降存芳諫不聽置孟知祥
遂引蒙古兵屠其家同死者八十人卒為義竊其八歲
孤匿民間得存其祀

劉子荅字貢伯安福人為廣西經畧使奏議官元兵至靖
時宋主已入燕子荅取笏書曰我頭可斷膝不可屈
堅守而死
文信文德弟也德祐初以澄江副使啓議官與元兵遇
于白鹿磯戰死贈定遠軍承宣使官其子立廟賜額時
河湖巡檢張興宗亦死之贈武翼郎仍賜錢官其子

鍾季玉樂平人德祐時為大都提點坑冶兵渡法徒寓
建陽兵至不屈死之
潘方平陽人監慶元府市舶慶元降元亦不屈死之
耿世安為兩淮都榷發官迎元兵鏖戰身被七創猶能追
殺收兵還至數里致贈五官立忠武廟于淮安
丁黼成都制置使也元兵力戰死于石筍街賜額立廟
王孝忠為鎮江前軍統制兼淮東路分戍淮陰揚貴叛孝
忠率眾迎戰依永軍統制朱信降賊孝忠力不敵死焉
秀才濠州人貌短悍知兵善射騎為通州副都統與元兵
屢戰屢勝復守揚州元將使人招之才曰吾寧死豈降
李降將軍耶被執死之

蕭龍雷字顯辰新城人建昌降元與同里人黃巡檢起兵
圖興復度勢不可支將奔入閩為同安武人徐汝冲獲
送縣縣尹刘聖仲素與龍雷有怨殺之
後聖仲于小孤
山見其神驚死
宋應龍以諮議官寓泰州元兵至裨校開門迎降應龍與
其妻自縊園中
褚大正字粹翁廬州人武舉進士為提刑諮議督戰高沙
秋創竟没于水知其化縣胡拱辰縣破亦死之
張鏜衡山人後之益在立詔天下勤王鏜起兵衡山得
僧兵數千于文天祥將應既而兵敗被執元泰政催賦
欲降之鏜罵曰今日降而死何以見我祖魏國公于地

下城令述起兵本末鐘奮筆所屬并省言賦怒殺之
鄒鳳字鳳祥吉水人從文天祥勤王死事同死者泉州陳
龍復廬陵列子浚列林龍泉孫東來新彭震龍蕭陶濤
都陳繼周蜀人張忭太平州步卒呂武安豐軍人等信
蕭太和蕭明誓丞相乾信子杜許閩人林琦溫州人陰臻
幕下書史蕭資職書司金應樂安何時贛州陳子敬何
宋陳二人隱竄不知所終
劉士昭太和人嘗為鉞工與鄉人同謀復太和縣事敗血
指書帛曰生為宋人死為宋鬼赤心報國一死而已以
帛自縊死又有王仕敏者與士昭同謀而敗題其額曰
蕭以此生無復望生還一死都敢談笑間大地只為腥血污

黃好收者骨首陽山臨刑嘆曰恨吾失聲不能大罵
趙孟墨合州人為金華尉臨安降與從子由鑑懷太皇太
后書請益王擢宗正寺簿監軍復明州戰不屈磔死
孟象福玉與荷從子也充兵駐紮與象謀奉兵事世執至
臨安范文虎詰其謀逆象誦用賊臣負國辜恩共危社
稷我帝室之胄欲一泄宗社之恥乃更以為逆至文虎
趙怒驅出斬之過宋廟呼曰太祖太宗列聖之是在天何
必使孟象至此都人莫不憤涕既死雷電晝晦者久之
上官夔萬州守將也充兵圍城夔戰守甚力招之降不遂
城陷巷戰而死
吳楚材名炎建昌南城人德祐元年建昌降明年春楚材

又還其餘領村糾集民兵攻城元兵三道蹙之奪其長梯
鐵鉤因進攻領村不得入事聞益王府元帥承制遷楚
上材宣議即帶令太社令知建昌軍保聚軍國再舉時江
西制置使黃萬石區其命楚材既失利且乏援老澤
為人死執及其子應登以獻郡遺錄事要南良訊之用
何為錯奉楚材抗声曰不錯不錯如府錄死為乃大錯
耳府錄受宋官爵今乃為敵用事還思身上綠袍自何
而得吾一鄙儒特為忠義死激為國出力事雖不成正
不錯也南良愧而語塞後為江西制置招討使斬其父
世子傅首諸邑益至聞而哀之贈官朝奉郎即武境上
立廟賜名忠勇化胡正氣曰忠義大夫死節大節立

黃少字剛中分寧人德祐初率鄉兵為保聚計北兵奄至
而面中矢不動復中十三矢倚柵而死妻劉被虜子用
中逃不死及壯未廿十三年始獲人稱黃孝子
張璠字君玉鳳州人德祐初知重慶府守節不屈而死時
閩州守將楊大淵推官趙廣達州守將張大悅運使施
五擇善皆死節
趙立字德修重慶人德祐初為大社令湖北提刑使趣蜀
諸將入衛不成自沈于水
周偉德祐間為瑋梁承元兵起偉日以守無城以戰無兵
柰何然受人之命而不為其事非仁也食人之祿而不
死其難非勇也卒死之

趙與擇秀玉嗣也德祐二年出鎮瑞安守臣方洪同伏
節而死又有趙孟錦者襲元兵不克而死
孫道隆字伯謙武義人德祐初以江陵提點刑獄入援臨
安為元兵所執與子同赴井死贈官賜諡厚恤其家立
洪福夏貴家僮也從貴積勞為鎮巢雄江左軍統制江北
降福與子大淵大源復之貴降元招福不聽使遣子住
福斬之後為貴詭誘破城先戮其子次及福福大罵數
費不忠請身南向死以明不背國也聞者流涕
高應松字贊畝長樂人開慶元年進士官翰林權直德祐
黃末元兵至臨安應松不肯草降表後送弟昂至燕絕粒

不語越七日卒
陳奉安任人益王即位奉鎮江東安撫使師屯火棧山戰
積復起兵敗于積烟山與弟年同死之
林空齊永福人失其在舉進士歷知縣解官家居益注立
張世傑因泉州乃率鄉人黃必大劉全祖即其家開忠
義局起義兵復永福值王積翁以福安送款約北岳屠
永福空齊乃盛服坐堂上啗指血畫壁自生為忠義臣
死為忠義鬼俄見執不屈而死
李庭芝字祥甫由神徒為應山縣人恭帝時據揚州元未
圍揚久庭芝與指揮使季才守禦益力及臨安既陷元
未以太皇太后手詔諭隆庭芝登城謂使者曰奉詔守

趙城未聞以格諭降也及帝妣瓜州太皇太后復賜庭芝
詔庭芝不答及夏貴以淮西降元未復遣貴降率望城
本下示庭芝庭芝曰吾惟一死而已使者復持詔格之庭
芝開壁納使者斬之焚其詔於壁上已福州使至庭芝
與壽才將兵七年趨秦州元末驅庭芝妻子至俾亦招
降會壽亦疽發背不能戰秦州守將胡惟孝孫貴開門
納元兵庭芝赴蓮池中水淺不死遂與壽才俱就執元
林求責其不降才曰不降者我也憤罵不已皆見殺揚民
聞者莫不泣下壽才與元末同死
徐應德字巨祥江山人為太學生景炎元年蒙古伯顏入
臨安應德與其二男琦松一女元娘同登樓自焚諸僕

撲火救免乃同赴井死益王立贈秘閣修撰
黃俊為廣州推鋒將景炎元年蒙古軍入廣州殺死之
苗再成為直州守將景炎元年蒙古兵陷直州再成死之
趙時際字容月宋末人僑居石德祐間授建平縣吏元
趙人南下入縣拒敵禦敵勢窮與其妻子僕壽九人赴溪禪
死焉
馬瑩字昌人以太和鎮撫使將咸淳府元將楊文安與瑩
同里招降不聽既而城陷悉力巷戰死也
丘必明保昌人官韶州僉判德祐中元兵逼城必明不
屈為敵所殺白血流地韶人哀其忠節立祠祀之
馬堅為靜江守將時阿里海牙克靜江府斬其首猶握拳

與奮起遂踰時始外壘既死却將妻鈴轄等身月賊球牙
米林饑而降既得食之擁一火炮然之聲如雷震城皆
崩烟焰蔽天外兵多驚死者火息又視之灰燼無遺
黃皮政淮人戎蜀軍嶺間道走靜江馬堅邀與同守城破
出文政被執大詔不屈元人斷其舌以次剗刑之文政舍
胡叱咄比死不絕声

熊飛曾逢龍與老人戰於南雄敗績曾死之飛奔韶州元
龍執元兵欲降之文龍指其腹曰以君節義文章也可相
逼耶寧不屈乃械送杭州文龍不食死

趙時賞張日中德祐二年元季恒襲文天祥於興國縣天
祥出走師潰於空院時賞日中皆死之

趙希道宗室子居宜春德祐中以廣東轉運使勤王文天
祥兵敗與從子必向被囚俱不食而死

陳瓚文龍從子也守興化元受都攻之瓚閉城拒守受都
軍臨城諭之笑在兩下城破巷戰終日獲瓚車裂之

張德興淮安人景炎二年與淮西野人原寨劉源等起兵
與復司空山於黃州壽昌未幾元龍破司空山復陷壽

昌德興死之
劉伯文吉水人景炎二年伯文詣督府受文書結約遠遊
東為巡兵死執斬于袁市慷慨自引一不累人

陳崇心安仁人歷官高州知府謝拔得赴兵守安仁元
際兵至力戰而死時餘千張仁且亦率鄉兵應坊得力戰
而死

楊魁字仲如四明人篤學力行歷陞憲司知事宋祥稱危
以忠義自勵不食數日赴菱塘而死

袁鏞字天與鄞人咸淳進士尚氣節元兵至鄞鏞往軍前
責以大義元將奇其才脅令降繼火燬之鬚髮尽不少
變遂死其日家人驚悼赴水死者十有七人

馬泰知朝州景炎中蒙古兵陷朝州泰死之
顏思立顏起巖鞠叔華聞文丞相開府于汀相結赴義後
隨元兵奄至三人同日死之

張烈良為河南制置使帝昺祥興元年起兵應厓山與

阿里海牙戰敗死之海南州縣皆陷沒趙與珞亦死之

陸秀夫字君實監城人以太丞相輔帝昺于崖州儼然如

治朝祥興二年元張弘範攻厓山張世傑兵潰秀夫奉

帝昺赴海死時舟徒茅相以秀夫薦授兵部侍郎亦同

死於海

高貴祥符人奉進士累官知高郵府扈從之海上擢樞密

使與陸秀夫同死厓山

彭岳泰和元兵陷虔州不屈入廣從文丞相赴難死

蕭資吉水人文丞相幕下書史與元兵遇死之

吳希奭安福人文丞相起兵奭自以名通于督府後遇元

將軍衆寡不敵一門三十九俱死之
伍隆起新會人三世仕宋宋隆起率義兵從帝昺于厓
山與元將張弘範力戰不屈其麾下謝文輝殺隆起降
弘範宋相陸秀夫惜之刻木為首以葬又募人執文輝
戮以祭墓
孫奭文丞相之妹壻也丞相方擁兵出贛奭為叛者死陷
不屈死之
劉昂孫江陵人官翰林學士德祐初從二王至厓山陸秀
夫負王赴海死昂孫亦驅家屬登輜重沈海不死為元
兵死執擄無完膚一以得脫卒蹈海死
列珠廬陵人文丞相隣曲也兵敗被執至豫章與長子同

自被刑不為是天子帝昺公昺昺回所至京師
張雲吉水人城降元雲不勝忿為謀興復張昺詭夜襲元
營天明戰渴赴江飲水元軍衝擊之雲赴水死
趙孟濟以功知清江後元兵至城陷孟濟死之
張世傑范陽人以樞密副使趨國公立衛王昺于厓山既
敗欲浮海再圖恢復颶風大作舟人欲抵厓世傑曰無
以焉也為我取辦香來乃焚香祝天曰若天不欲復興
宋室則天風覆我舟舟遂覆世傑死之
汪繼宗歙人生淳祐間見國祚不競有恢復中原之志福
王與昺召見愛之專以女宋亡自以受國恩不即死無
三以見祖宗于地下遂不食而卒

王用龍進賢人宋亡用龍誓不為異國民後為元鎮守兵
伍丞獲碎毫器廟吮而死
謝君直右坊得踊臺山信州人景定甲子江東漕斷
校文器策問權姦誤國趙氏必亡悔買侶道貶與國軍
三年遇赦得還元兵南下郡城潰棄家入閩至元二十
三年御史程文海承旨留妻炎等交薦累召不起
六年春正月福建行省參知政事魏天佑復被詔旨集
歸守令成將迫促上道臨行以詩別常死往來者曰雪中
松柏愈青青扶植綱常在北行天下豈無龔勝潔人間
豈不賦伯夷積義高使覺堪捨禮重方知死甚輕
列男兒終不屈皇天上帝眼分明夏四月至京師不食死

年六十有四秋八月子定之奉柩歸葬門人誄而題之

曰文節先生謝公墓

家鉉翁眉州人宋末知建寧府兼福建轉運副使後簽書
樞密院事元兵迫郊鉉翁獨不署降表宋亡旦夕哭泣
不食飲者數月成宗即位放還賜號處士錫賚皆不受
羅一理進賢人宋亡謝枋得為江西招諭使一理偕弟起
潛赴義被擒不屈皆腰斬弟臨刑謂一理曰今日得死
所矣

文天祥吉水人宋右丞相少保信國公初元張弘範襲執
天祥於五坡嶺天祥吞腦子不死至潮陽見弘範左右
命之拜天祥不屈厓山既平弘範謂天祥曰國亡丞相

忠孝盡矣能改心以事宋者事大元將不失為宰相也
天祥泫然出涕曰國亡不能救為人臣者死有餘罪况
敢逃其死而貳其心乎乃以天祥北去道經吉州痛恨
不食八日猶生乃復食至燕館人供帳甚盛天祥不寢
坐達旦遂移兵馬司設卒守之既而丞相孛羅召見天
祥入長揖欲使跪天祥不屈孛羅怒命囚於獄所作有
正氣歌已而又召天祥於獄欲用之天祥固辭欲殺之
不果後以中山狂人之變乃殺之

續文獻通考卷之六十三終

續文獻通考卷之六十四

皇明進士雲間王圻纂輯

節義考 忠臣三

遼

阿果達為遙輦帳詳穩酌古為客省使高清明為勃海詳
穩海里為天雲軍詳穩聖宗闕泰中同蕭排押等與高
麗戰於茶陀二河遼兵失利阿果達等皆死之

撻烈哥為國舅詳穩蕭打里為官使聖宗統和四年與宋
戰于莫州皆死之

撻不野為北路招討使道宗大安九年西北夷磨古斯偽
降既而乘虛來襲撻不野死之

金 胡沙虎完顏部人太祖時從軍為詐降人高永昌所執神色自若罵永昌曰汝叛君逆天今日殺我明日及汝矣罵不絕口死贈遙領節度使

特虎雅撻瀾水人太祖時從軍以死捍遼兵沒于陣皇統間贈明威將軍

粘割韓奴皇統中以仗義將軍護衛招耶律大石降大石憤其不下馬且挾使跪韓奴不屈而死世宗贈昭義大將軍

曹珪徐州人大定四年州人江志作亂珪子弼在賊黨中珪謀誅志并弼殺之詔以大義滅親進一官止班用之

溫迺罕蒲覲為兀者群牧使被賊執欲其同反曰吾世受國恩子姪皆仕宦不能從汝而累吾族也賊斃之子孫皆被害

鶴壽鄆王昂子五院部人老和尚率眾招鶴壽同反不從遂與二子俱見殺

訛里也契丹人大定初招諭契丹窩斡不屈節死褒贈納蘭綽赤咸平路猛安人不從契丹括里招後被執斃殺之褒贈

魏全壽州人泰和六年為宋將李爽所執至死罵不絕口鄩陽宗室子為符寶祗候至寧元年為亂臣紇石烈執中所害贈宣武將軍順天軍節度副使

夾谷守中咸平人至寧末爲彰德軍節度使城陷爲下人所執欲其招降平京守中僞許之至城反其辭交刃殺之贈資善大夫東京留守

王晦高平人有將帥才明昌初累官翰林學士勸農使順州受兵其故部曲王臻者欲說之降晦不從竟就死加贈其官命有司立碑歲致祭焉

石稜元毅咸平路人明昌中官彰德府治中奮力禦敵而死贈武信將軍

伯德梅和尚泰州人正隆時爲崇義軍節度使與敵拒戰而死贈龍虎衛上將軍

烏古孫兀屯上京路人貞祐中以元帥左監軍留守北京後以兵入衛中都守定興軍敗而死

高守約字從簡遼陽人宣宗時爲觀州刺史元兵徇河朔不屈而死贈崇義軍節度使謚忠敬

和速嘉安禮字子敬大名路人宣宗時爲泰安州刺史被元兵執或以酒監對安禮曰我刺史何諱爲使跪不屈以戈撞其胷殺之贈泰定軍節度使謚堅貞

王維翰字之翰利州龍山人宣宗時爲定海軍節度使結營自守力窮被執不降死妻姚氏亦同死贈中奉大夫姚氏芮國夫人謚貞潔

移刺古與涅宣宗時爲安化軍節度使與元兵力戰流矢連中其頰拔去復中其頰死贈安遠大將軍

宋辰宛平人宣宗時爲沁南軍節度使元兵至懷州城破
死之

王祿爲泗州新城提控宣宗時宋人襲泗州祿死之

木甲法心宣宗時守密雲家屬在薊州者爲元兵所得示
以不降則盡殺法心不顧城破而死贈開府儀同三司
樞密副使封宿國公同死者咬查刺紮舍十方奴皆贈
官仍命樹碑以時致祭

高錫字永之宣宗時爲河北東路按察轉運使城破自投
城下而死

吳僧哥西南路部落人宣宗時以同知太原府事死于元
兵贈鎮國上將軍順義軍節度使

蒲魯虎宣宗時爲陝州宣撫使元兵取潼關戍卒皆潰蒲
魯虎獨禦戰兵敗死之

完顏訛可爲同州節度使宣宗興定時元兵取同州訛可
死之

合納蒲刺都守潞州興定中元兵攻潞州刺都力戰死之
贈御史大夫

烏古論德升益都人宣宗時以河東元帥不能完城自縊
死其姑及妻皆自殺贈翰林學士承旨以奉御俸養其
幼子兀里偉

張順淄州士伍宣宗時元兵圍淄州行省提控王庭玉將
兵救之使順往覘爲所執使宣言行省兵敗宜速降順

佯許之至則反其辭臨死曰得爲忠孝鬼足矣贈宣武將軍同知棣州防禦使事有司給養其親任用其子孫郭斌會州將也元兵圍會州城斌驅妻子入一室焚之已而自投火中死

馬驥禹城人宣宗時爲濟陰令爲元兵所執求金曰吾書生何從得是又使跪曰吾膝不能屈欲殺卽殺得爲大金鬼足矣遂死贈朝列大夫泰定軍節度副使

伯德衮哥奚人宣宗時以東勝軍節度使死于元軍

奧屯醜和尚宣宗時以代州經畧使被元兵執不屈死

完顏六斤中都人宣宗時以元帥右監軍守潞州與元人力戰而死贈御史大夫

女奚烈幹出宣宗時仕至植州刺史元兵至曰吾曹坐食

官祿可忘國家恩乎誓力戰而死爲張提控所害

時茂先密州人紅襖賊據密州時過茂先所居村居民相率迎之茂先獨罵不迎賊執而殺之至死罵不絕詔贈

武節將軍同知沂州防禦使

溫廸罕老兒爲同知上京留守事蒲鮮萬奴攻上京其子鉄哥生獲老兒脅之使降不從鉄哥怒亂斫而死贈龍

虎衛上將軍婆速兵馬都總管

梁持勝字經甫宣宗時以保大軍節度使守鄜州城破自投崖下死贈特進知延安府事

紇石烈鶴壽河北西路人宣宗時行元帥府于鄜州城破

續文獻通考 卷之六十四
猶據土山力戰而死謚果勇

蒲察婁室東北路人宣宗時以孟州防禦使救鄜州死之
贈資德大夫定國軍節度謚襄勇

任福爲沔城縣軍官宣宗時元兵下沔城福死之

馬甫爲潞州都統宣宗時元兵攻潞州甫死之

劉仲亨爲錦州元帥宣宗時元兵徇錦州仲亨死之

汝奚烈資祿咸平府人宣宗時以金安軍節度使救鄜州
被執不降死贈銀青榮祿大夫中京留守復錄其子

完顏訛出虎爲汾州節度使宣宗時元兵徇汾州訛出虎
死之

郭用爲平陽提控宣宗時元兵攻平陽用死之

李革及從坦知平陽府事權參知政事行尚書省宣宗時
元兵下平陽革及從坦死之

納合蒲刺爲潞州元帥右監軍王良臣爲都參議官脩起
居注宣宗時元兵收潞州蒲刺及良臣死之

趙益太原人宣宗時爲太原同知城將破焚其府庫殺妻
子投其符印于井遂自殺贈銀青榮祿大夫河東北路
宣撫使求其子孫錄用

侯小叔河東縣人宣宗時以權元帥左都監守河中凡言
降者皆斬之有表兄張先諷以保妻子侯卽縛先于柱
而殺之後城破而死下詔褒贈

郭秀爲武州軍事判官宣宗時元兵下武州秀死之

喬天翼爲合河縣令宣宗時元兵下合河天翼死之

烏古論仲溫爲鎮西軍節度使宣宗時元兵下嵐州仲溫
·死之

王佐字輔之霍州人宣宗時王沁州玉女寨救襄垣中流
矢卒贈金吾衛上將軍

黃摑九任臨潢人宣宗時知彰德府元兵至戰沒贈榮祿
大夫南京留守仍錄用其子孫

王毅大興人以經義進士累官至東明令貞祐末東圍急
毅率民兵願戰者數百人拒守城破率衆抗戰力窮被
執縣人王八欲降之毅厲聲曰忠臣不佐二主驅殺者
以刀斫其頸不屈而死

烏林荅乞任大名人宣宗時以元帥右都監援中都戰沒
贈榮祿大夫參知政事以參政半俸給其家

陀滿斜烈咸平路人宣宗時知彰德府事城破死之

高霖東平人官兵部尚書參知政事中都留守兵亂死之

謚文簡

高憲遼東人爲博州防禦判官遼陽城破死于兵

粘葛貞宣宗興定二年權元帥守晉安城破貞與府官十
餘人皆死之

徒單航宣宗時爲安州刺史元兵大至謂民曰我家兩世
駙馬受國恩不可降民曰太守不屈我輩願同死守及
城將危航先縊其妻孥謂家人曰我死卽撤屋焚之遂

自縊民同死者甚衆

完顏陳和尚名彝字良佐宣州人宣宗時以忠孝軍統領
戰于三峯山敗走鈞州城破殺掠稍定乃出自言曰我
忠孝軍陳和尚也我死亂軍中人將謂我負國家今日
明白死時欲其降斫足頸折不屈割口吻至耳噴血而
呼至死不絕大將義之酌以馬湏祝曰好男子他日再
生當令我得之贈鎮南軍節度使塑像褒忠廟勒石紀
其忠烈

伯德爲東勝州節度使宣宗時元兵徇東勝伯德不屈死
之

移刺阿里合爲霍州刺史宣宗時元兵下好義堡阿里合

死之

楊沃衍朔州人爲北邊屯田小吏後守鈞州元兵使人誘
降沃衍拔刀斫之曰我起身微賤蒙國大恩汝欲以此
汚我耶遂語部曲後事望汴京再拜且哭曰無面目見
朝廷惟一死耳卽自縊從死者十餘人

楊敏中淄州人故致仕屯留主簿宣宗時元兵取淄州與
判官齊鷹揚郡民張乞驢等募兵備禦城陷率衆巷戰
鷹揚戰死敏中乞驢被執不屈而死贈敏中同知橫海
軍節度使乞驢同知淄州軍事

完顏承輝宗室也宣宗貞祐元年爲右丞相都元帥元人
圍燕京承輝與抹撚盡忠期同死社稷盡忠不從承輝

乃辭家廟召左右司郎中趙思文謂之曰事勢至此惟有一死報國耳乃盡出財物給散家人仰藥死
興哥鳳翔人起于群盜人呼曰熱劉後于清化戰死元兵
酌酒以吊西州耆老語之至為泣下
烏古論黑漢以親軍入仕為唐鄧元帥府把軍官哀宗時
元兵攻急城中糧盡人相食黑漢殺其愛妾啖士士爭
殺其妻子黑漢守益堅後為宋軍所獲脅使降不屈死
馬慶祥字端寧淨州人宣宗時守鳳翔命盡工肖其像付
家人出城外殊死戰矢盡元兵圍之數匝欲降之竟不
屈而死贈輔國上將軍恒州刺史謚忠愍凡同死者十
有三人哀宗為立褒忠廟仍錄其孤

陀滿胡士門字子秀策論進士也哀宗正大三年為臨洮
府總管城破被執誘之降不應使之跪不從以刀亂斫
其膝頸終不屈遂殺之贈中京留守立像褒忠廟仍錄
用其子孫

完顏愛申為順德節度使哀宗正大四年元取順德愛申
死之

草火訛可為權簽樞密院事正大八年元取河中府訛可
死之

姬汝作字欽之汝陽人哀宗時守汝州力戰而死
馬肩龍字舜臣宛平人哀宗時同守汝州晝夜二十戰力
盡乃已肩龍以劔自剄詔各贈官配食褒忠廟

禹顯雁門人哀宗時權元帥府都監守襄垣軍內變城破
被擒帥不忍加害既而密遁去將往從上黨公軍復為
追兵所執不屈死入哀宗報張邦憲秦州人正大中進士為永固令天興二年避兵徐
州被亂兵卓翼所執將驅之北罵曰我進士也朝廷用
為邑長可從汝曹反耶遂遇害

商衡字平叔曹州人哀宗時為秦藍總帥府經歷官為元
兵所得欲降之不屈望闕瞻拜曰主將無狀亡兵失利
臣之罪責亦無所逃但以一死報國耳遂引佩刀自剄
木甲脫魯灰上京人哀宗時以元帥屯商州大吉口將潼
關兵入援至商山遇雪元兵邀擊之士卒凍餒不戰而

潰脫魯灰被執不屈拔佩刀自剄

吳邦傑登州判官也為元兵所得驅令攻城邦傑曰吾荷
國恩詎忍攻吾君之城與之酒食不顧乃被殺

楊達夫字晉卿三原人嘗以進士主鄜縣簿事家居金末
詔徙入關為元游騎所執將褫衣害之達夫大言曰我
金國臣子既為汝所執不過一死忍袒裸以贖天日耶
遂見殺兩山潛伏之民皆曰如此好官他日祠之當作
我橫山之神

烏林荅咬住為防禦使哀宗時元兵薄鄭州咬住死之
慶山奴守許州哀宗時許州兵變降元慶山奴死之
張若遇攝臨須令哀宗時元兵徇臨湏若遇死之

馮延登字子俊吉州人哀宗時以翰林學士奉國書至金
金欲誘鳳翔帥不從再三迫誘以刀截去其鬚髯岸然
不動乃監之豐州後放還權刑部尚書元兵下汴京欲
擁之北行延登躍城旁井中死

烏古論仲端字子正哀宗時留守汴京數言人死亦易事
以燕之春來秋去爲比書諭裴滿思忠旣畢連飲數杯
送思忠出門曰此別終天矣卽自經其妻亦從死明日
崔立以城降

烏古孫奴申字道遠由譯史入官哀宗時以行省左右司
郎中兼知官省事留汴京居守崔立作變明日同御史
大夫裴滿阿虎帶自縊于臺中時同死者戶部尚書完

顏珠顆奉御完顏忙哥大睦親府事吾古孫端大理裴
滿德輝左副點檢完顏阿撒右副點檢溫敦阿里參政
完顏奴申之子麻因左右司員外郎聶天驥

完顏褚兒都喜爲元帥哀宗時元擊大河南岸都喜死之
蒲察琦字仁卿陽信人哀宗立講議所受陳言文字琦以
安平都尉與焉崔立變後令改易巾髻琦謂元好問今
日易巾髻在京人皆可琦獨不可琦一刑部譯史襲先
兄世爵安忍作此今以一死付公然死則卽死付公一
言亦剩矣其母夢三人潛伏梁間驚寤琦曰兒意在懸
梁此鬼已先見母夢母曰兒所處是也卽自縊

蘇椿大名人以元帥守許州元兵至使招降椿卽斬之旣

而城陷不屈被殺

完顏撒合輦爲中京留守哀宗開興元年元圍洛陽撒合輦赴水死

完顏賽不花爲行省右丞相天興二年徐州降于元賽不花死之

強伸爲中都留守天興初元兵取洛陽伸死之

蔡八兒不知所始哀宗未爲忠孝軍元帥哀宗禪位承麟群臣入賀八兒不拜謂所親曰事至于此有死而已安能更事一君遂戰死

毛佺恩州人哀宗遷蔡以佺爲都尉城破自縊時同死事有滑州閻忠磁州郝乙河中王阿驢樊喬皆以職官戰

死

溫敦昌孫皇太后之姪哀宗居蔡以殿前左副點檢潛出城巡邏又潛取練江魚以供尚食與元人力戰而死納坦胡失打前爲御史監察聞蔡州城破慟哭投水而死完顏忽斜虎爲尚書左丞哀宗天興三年孟珙入蔡州忽斜虎死之叅政孛術魯小婁室等及軍士五百餘人皆從死焉

完顏絳山哀宗之奉御哀宗傳位承麟卽自縊于幽蘭軒絳山舉火焚之元兵入衆皆逃避絳山獨不去曰吾君終于是吾候火滅收瘞其骨耳兵笑曰汝命不能保能瘞而君耶絳山曰人各事其主吾君有天下十餘年身

續文獻通考卷之六十四
死社稷忍使其遺骸暴露耶吾瘞吾君之後雖寸斬不
恨矣其帥奔盍稱奇男子聽之絳山乃以弊衾裹餘燼
瘞汝水旁再拜號哭將赴汝水死軍士救之得免後不
知所終

閻忠滑州人衛王時爲開州刺史賽哥叛忠單騎入城縛
之出哀宗遷蔡與義軍招撫毛城等同日戰死

畢資倫縉山人守泗州爲宋人所執宋人賞其忠憤不撓
欲全活之囚于鎮江府獄哀宗自縊宋人告資倫資倫
嘆曰吾無望矣容我一祭吾君乃降耳宋人爲屠牛羊
設祭鎮江南岸資倫祭畢伏地大哭投江而死

吳禹錫利州龍山人歸德受兵禹錫爲行院都事經畫守

禦一府倚重聞變或勸以微服免不從遇害

郭蚺蝦會州人哀宗時知鳳翔府守節不屈而死

王浩哀宗末爲扶溝令民錢大亨等執浩送款于元以有
恩于民不忍加害遣所知勸之降終不聽於是殺之無
血王簿劉坦尉宋乙並見害棄屍道傍自春徂夏獨浩
屍儼然如生目且不瞑鳥犬不敢近若有神護者

續文獻通考卷之六十四終

續文獻通考卷之六十五

皇明進士雲間王圻纂輯

節義考 忠臣四

元

李伯温守賢之孫毅之子也元初知平陽府為金兵所破伯温拔劍殺家屬投井中以刃植柱刺心而死子守正為河東路兵馬都元帥兼知平陽府後亦為金所執不降置鐵籠中火炙死

石珪新泰人宋石守道裔元初為山東諸路都元帥與金戰馬什被擒蒸殺於市其麾下立社交州祀焉

董俊藁城人金末歸元以功累官左副元帥後圍金主于

歸德力戰而死封壽國公謚忠烈

攸哈刺拔都渤海人元初守太原誓與城同存亡遂死于陣

任志潞州人元初統元帥金擒其長子如山招之志親射

其子死志後死于武安次子存亦為金將武仙所殺

耶律忒末契丹人元初以河北西路安撫使致仕居真定

為金將武仙所陷因誘其子天祐以趙州降當活汝父

母忒末密令人語天祐曰母以我故虧臣節天祐乃殊

死戰仙怒盡殺忒末家十八人後天祐亦傷憊卒

伯八兒合丹氏太祖時為萬戶討脫鐵木兒死焉其子八

刺居脫鐵木兒左右謀報父仇力窮被執逼令跪不屈

以鐵搥碎其膝終不跪與弟奚不蘭同被害

合刺普華岳憐帖木兒子也世宗時為廣東都轉運鹽使

護征交趾餉道遇劇賊歐鍾等被執欲奉之為主不屈

而死贈戶部尚書守忠全節功臣謚忠愍

石天應與中人木華黎授以興中府尹從南征臨敵應變

捷出如神以功累遷兵馬都元帥屯河中金兵來攻天

應力戰死之

綦公直樂安人為益都勸農官世祖召授領兵荆南等處

招討使司事奉旨南伐有功後從伯顏戰洪水山追擊

寢遠援兵不至公直與妻俱陷子瑗力戰而死

劉天孚字裕民大名人元世祖時知河中府為叛臣阿思

罕兵至河中天孚極力拒守城陷被執斫河水鬪投水而死事聞贈官謚忠毅

李文為權萬戶世祖中統三年斬縣陷文與千戶張好古死之

呂義故東平權萬戶中統四年以義死王事賜謚貞節

闕文興至元中陳吊眼作亂攻漳州文興帥兵與戰死之

妻王氏被掠義不受辱自投火中死元統二年事聞贈文興英毅侯妻王氏貞節夫人廟號雙節

鞏彥暉易州人代兄彥榮為百夫長從攻宋次武昌大戰被傷度不免遂投水中敵援之載歸江州不屈而死

張懷德為貴州知州成宗大德五年雲南土官宋隆濟反

攻貴州懷德與戰死之

董文彥為威楚路知事文宗天曆間中慶路守敗孤叛引

兵攻威楚文彥死之賜謚莊愍官其子時中為祿豐王簿

褚君實石樓人泰定中官淮東廉訪副使汝穎盜起君實守淮安凡五年經數十百戰人比之張巡後城陷為賊

所縛

侯彥直雅州人仕為忠翊校尉副千戶至元間王虎寇州彥直引兵力戰于名山縣二日兵少力弱為賊所擒義

不屈罵不絕被害

蕭景茂漳州龍溪人順帝至元間漳寇亂景茂率鄉人立

柵保險堅不可破會旁里有人導之從間道入景茂被執賊使拜不屈既欲脅之降景茂大罵賊遂縛之于樹剗其肉使自啖嚼且曰我食我肉無若汝賊行將萬段狗彘棄不食賊怒絕其舌而死

王伯顏字伯敬濱州霑化人至正九年知福寧州賊自邵武間道來逼乃募壯兵五萬與子相馳破之繼賊帥王善擁衆壓州西門伯顏與戰被執善欲其仍尹此州伯顏叱罵不屈遂挺頸受刃頭斷湧白液如乳暴屍數日不變復欲官相相亦罵賊死相之妻潘氏挈二女被獲亦罵賊母子俱死御史余闕以狀聞追封太原郡侯命立廟祀之

陳陽盈字子謙以父蔭累官侯官縣尉調泉州府稅課司副使至正中草寇攻州知州王伯顏檄陽盈率民兵拒敵奮不顧身陷于賊帥王善脅之使降陽盈執大義罵賊遇害事聞勅贈敦武校尉安溪縣尹旌表其門

張桓字彥威藁城人爲西臺監察御史謝職居雄山縣城陷賊素聞公有活人績置公上座脅之使受僞官公唾罵之遂縛公妻奴九人至前先殺妾次殺子女及妻每殺一人則曰御史若降餘可免公罵如務賊怒拽下殺之時至正十一年秋八月賊語曰張御史真鐵漢

星吉順天河西人爲江南行臺御史大夫至正十一年妖賊徐真一等起汝穎吉督兵討之屢有戰功後以糧盡

士疲被虜不食九日而死賊義之葬斬之鳳凰山下御史夔夔請褒其義贈上柱國追封咸寧王謚忠肅

柴肅襄陽總管至正間竹山賊寇襄陽肅等死之

泰不華爲台州路達魯花赤至正中死事追贈江浙平章

謚忠介立廟台州賜額崇節

葉景仁字天德松溪人至正十二年由政和尉陞蒲城尹

奉省檄討政和西里寨寇勝之後深入以援不繼爲賊

所執斷其右膊大罵而死

劉天祐清江人紅巾寇起天祐結好義者謀誅之後爲賊

所執罵不絕口而死

脫脫同知萍鄉州事至正壬辰蘄黃紅巾寇起脫脫集義

兵拒戰死之

僕列篋回鶻人至正間紅巾亂藩臣檄掌東門之管城管

城陷列篋投井死妻妾子女死者十有一人

汪澤民婺源人致仕禮部尚書居宣州至正十二年蘄黃

紅巾彭黨祖搆亂其餘孽自徽寇宣城宣城陷澤民被

執不屈死之贈資善大夫江浙等處行中書省左丞上

護軍追封譙國郡公謚文節

江日新歙人至正十二年蘄黃兵陷郡日新與其弟舉兵

皆死之各贈以官

伯顏不花的斤字蒼崖畏吾兒氏至正中以江東道廉訪

副使與陳友諒賊黨戰于信州晝夜不息者踰旬城陷

不花的斤自刎其部將蔡誠蔣廣皆不屈死有小民陳受多膂力不花的斤募為義兵亦痛罵不屈賊焚殺之不花的斤賜謚桓敏

樊執敬字時中鄆城人至正十二年授江浙行省參知政事賊犯餘杭力戰無援賊呼執敬降執敬怒斥之奮刀斫賊因中鎗而墮從僕馳救之亦死贈官賜謚

程擇婺源人為武昌路學正以平徭蠻有功陞本路教授至正十二年紅巾兵起以府檄起義兵固守城陷死之林夢正字古泉天台人為溧陽儒學教授賊眾寇溧陽獲其魁張某夢正問曰爾何人應曰我父為軍千戶紅巾入境逼我父為帥父以年老令我代夢正痛罵之曰爾

之父祖世為國家臣子而爾忍為盜耶既而賊勢復盛竟奪張去下令曰有生得林教授者賞夢正匿他處搜得賊曰前日罵我者非爾耶夢正曰然賊曰降我則伴爾為元帥夢正曰爾盜也我何為降再三終不屈縛于樹下解衣冠而殺之

潮海札刺台氏為靖安縣達魯花赤至正十二年斬黃賊起為所執殺于富州子民安圖襲父職為本縣達魯花赤迎戰力竭賊執而剛之時縣尹黃紹縣中進士胡斗元並罵賊而死

聶炳字蘊夫江夏人至正十二年知荆門州纔半歲而淮漢賊起陷荆門炳出募兵復之已而斬黃安陸之賊復

來攻晝夜血戰援絕城陷被執炳極口罵不絕賊以刀
抉其齒盡乃斷左臂而支解之未幾賊陷潛江縣達魯
·花赤明安達爾亦死之

桂完澤永嘉人爲平江管軍鎮撫與妻弟金德同爲賊所
執縛于樹臨以白刃脅之降金德意未決完澤呼曰金
舅男子漢卽死不可聽賊德曰此言最是因大罵賊怒
剖二人腹而死

丑閻字時中蒙古氏人至正十二年知安陸州斬賊魯法
興犯安陸閻拒戰乘勝追之而賊自他門入城中火起
軍民潰亂閻乃歸服朝服坐公堂賊脅以白刃使下拜
不屈且怒罵賊酋不忍害明日又逼其從亂閻復叱之

賊以刀斫左臂脅斷而死其妻侯氏亦自縊死贈丑閻
河南行省叅知政事侯氏寧夏郡夫人表曰雙節

郭庸字允中蒙古氏監察御史累轉中書省叅政兼留守
京師事城破大將召至衆叱之拜庸曰人各爲主死自
吾分何拜之有遂遇害

梅實宣城人集慶路總管府照磨至正間大兵圍集慶乏
援乃謂友李端曰事急矣當以死殉國城陷闔門皆死
馬三湖廣省公使也素不知書湖廣爲寇陷皂隸輩悉起
爲盜拉三以從三辭曰賊名惡我勿爲賊賊怒將殺之
三遂唾罵賊乃縛諸十字木昇之以行而刳其肉三益
罵不止抵江上斷其喉委去妻隨三號泣俯拾刳肉納

布裙中俟賊遠收血骸脫衣暴之大泣投江死

劉濬字濟川興州人至正十三年為連江縣寧善鄉巡檢
與江西賊帥王善屢戰屢勝後中箭墮馬與仲子律俱
被執濬戟手大罵賊縛濬階下先斷手一指罵益篤再
斫一指亦如之指且盡斫兩腕次及兩足濬色不少變
罵猶不絕遂割其喉舌而死律亦以死拒賊義之縱使
斂父屍後結死士報仇手斬殺父者張破四并擒善及
寇首陳伯祥以獻磔之贈濬福建行省檢校官授律古
田縣尹官為濬立祠致祭

朶里不花字端甫蒙古人至正中拜江西行省叅知政事
為賊金榮所殺罵不絕口妻卜顏氏妻高麗氏皆遇害

野峻台世延子也至正中以四川行省叅政為賊所害贈

官賜謚

陳君用字子才延平人至正中以權知副都元帥與紅巾
賊戰于江中鎗而死贈官賜謚

孛羅帖木兒字國賓高昌人至正中為襄陽路達魯花赤
與賊戰被重創麾其姪馬哈失力使去曰吾以死報國
汝無留此馬哈失力泣曰死生從叔父旣而被賊執賊
請同為逆孛羅帖木兒怒罵之遂遇害馬哈失力亦死
彭庭堅字允誠瑞安人至正中以功陞同知福建道宣慰
使司都元帥鎮邵武屢平賊有功以麾下萬戶岳煥縱
卒為暴欲繩以法岳乘不備詐為賊兵突入眾皆潰庭

堅獨留不去遇害立祠祀之旁邑亦立祠封忠愍侯

陶起祖銅陵人元末兵起嘗募集義兵官至同知後為趙

軍所執伏義而死

鄧可賢乳源人至正中郝寇圍乳源甚急可賢率峇民并

其子弟死守凡兩月糧盡奮身出戰被執與弟七人皆

死峇民無一人降者

魏中立字伯時濟南人至正間遷饒州路總管徐壽輝攻

饒中立被執以紅衣被其體中立叱之鬚髯盡張賊執

歸斬水欲屈其從中立大罵不絕而死

湯自願餘干人至正間斬賊項普陷饒被執不屈死省憲

聞于朝命致祭

李棠卿鄱陽人仕無錫倉使張士誠入無錫被執誘以仕

不屈死之贈樂平州判官

劉耕孫字存吾至正十五年官寧國路推官長鎗賊瑣南

班等攻城時救兵遠來方疲而城恃有援不為備賊乃

夜四鼓緣堞而上城遂陷耕孫力戰遇害弟陶孫以常

寧州儒學正死于常寧子碩以江夏縣魯湖大使起義

兵援茶陵亦死之

李齊字公平廣平人為高郵知府至正初張士誠復攻陷

高郵齊被執不屈遇害贈翰林學士追封曹南郡公謚

忠烈

盛昭字克明歸德人由儒學官累遷淮南行省照磨遣入

高郵諭張士誠士誠不聽拘諸舟中既而官軍逼高郵士誠授昭以兵使拒官軍昭叱曰吾奉命招諭汝之拘留詔使罪不容斬又欲吾從汝爲賊耶罵不絕口賊怒先剗其臂肉而後磔之

熊義山安鄉人累官至萬戶至正間倪文俊兵至執縣尹張惟和義山保障黃山一縣獲安越二年文俊襲執之逼使速降義山罵不絕口文俊大怒剖其腹而死

王翕宣城管軍百戶至正十五年長鎗叛帥瑣南班等攻郡城將陷翕呼弟曰我受國恩遇難當死顧老母在汝等宜出避語訖卽殺妻子焚其居自刎而死

朶兒只班爲中興元帥至正十五年張士誠將倪文俊復

陷中興只班死之

鄭玉字子美歙縣人至正十七年大明兵入徽州守將要致之玉曰吾不得慷慨殺身以勵風俗猶當從容就死以全節義遂夫婦同縊而死

張文貴宣城百戶至正十七年天兵下寧國路守將出降文貴劉死妻妾亦自殺

釋家訥爲膠萊守臣至正十七年劉福通遣毛貴攻膠萊州訥死之

王士元字堯佐恩州人至正十七年知磁州賊至州兵悉散士元安坐堂上顧其子致微使避賊子不忍去賊欲縛士元士元奮拳擊賊遂并子害之

金普庵撒里字子仁高昌人至正中以功拜江西行省叅政分省于贛陳友諒來攻城陷自剄謚曰徽哀哈海赤守贛尤有功城陷之日謂賊曰不降者我爾無殺百姓遂見殺

僧住守婺州至正十八年大明取婺州住及浙東廉訪使楊惠死之

余闕至正間爲淮安宣慰副使分治安慶屹然爲江淮保障陳友諒攻城闕以孤軍血戰自刎墮清水塘中妻子皆赴井死追贈國公謚忠宣

余闕合肥人元至順中累官浙東廉訪司僉事分守安慶陳友諒陷安慶闕力戰死之妻耶律氏及子德生女福

童皆赴井死同時死者故守臣韓建一家皆被害事聞贈闕淮南行省平章政事謚文忠 本朝謚文宣 命有司立祠祀之

帖木補化蒙古氏也至正進士遷桐城縣達魯花赤時縣已陷敵補化乃就郡中招集其避地之民諭告切至民樂効勞守帥余闕擢爲都事城陷與闕同死懷寧尹陳道夫亦闕所辟同闕死

張昇建陽人官至江西儒學提舉至正十八年陳友諒據豫章追取諸司印昇乃投其印于井不食而死

劉以忠字恕夫湯陰人至正十八年劉福通侵河朔以忠避地林縣鹿嶺山群盜襲之請以忠爲主擁坐盤石衆

卒邏拜于前以忠曰我書生也不能爲國討賊反附之乎遂以頭觸石血流滿面賊度其志終不改刺殺之于大本字德中密州人爲信州總管被賊執僞主釋其縛畀僞印一組且命以官大本投印于地痛言之遂遇害普顏不花字希古蒙古氏至正十八年經畧江南至建寧陳友諒遣將鄧克明來寇而諸將皆遁不花誓與城同存亡卒大敗賊後爲山東宣慰使大明兵壓境城陷不花及總管胡濬知院張俊俱死之時普顏不花二弟之妻各抱幼子及婢妾溺舍南井死不花妻阿魯真欲下而井填咽不可容乃抱子投舍北井其女及妾女孫女皆隨溺焉時有申榮者乎山東行省守東昌告父

忠孝不能兩全遂自經

董搏霄字孟起磁州人官山東宣慰使都元帥有疾其功者譖于總兵太尉紐的該令搏霄從上蘭溪同征益都搏霄曰我去濟南必失請以弟昂霄代領其衆朝廷從之搏霄遂率兵北行至南皮縣魏家庄營壘猶未完而毛貴兵至諸將謂搏霄曰賊至當何如霄曰以死報國因授劔督兵以戰而賊兵突至執搏霄殺之是日濟南陷昂霄亦死事聞追封搏霄魏國公謚忠定昂霄隴西郡侯賜謚忠毅

伯顏前江西廉訪僉事至正十八年伯顏謀起兵討賊不克而死事聞謚文節

彭敬叔爲河北僉憲致仕歸道遇兵亂執之使拜不屈死
之贈兵部尚書隴西侯

喬彞字仲常晉寧人至正十八年賊襲晉寧城陷彞整衣
冠聚妻子坐大井上令妻子婢循次投井而已隨之贈
臨汾縣尹謚純潔時有張巖起字傳霖汾州人以國子
助教與妻赴井死王佐字元輔晉寧人教授里巷詬賊
不輟而死吳德新字止善建昌人工醫往寧夏爲賊所
執誓不從賊乃縛其兩手加白刃頸上迫其畏屈德新
罵不已乃曳之井止陽欲擠之而德新卽自投井中仰
罵賊賊射矢貫其頂罵益力賊以長鎗刺之然亦壯其
志憐其死曰此真丈夫也以土埋井而去

王英字邦傑益都人性剛果有大節以平寇功拜懷遠大
將軍至正間毛貴陷益都英曰吾老不能報天子尚忍
食異姓之粟以求生乎遂餓而死

張名德爲般陽總管至正間毛貴攻般陽名德死節贈河
南行省左丞謚忠襄

張輔爲陵川尹至正間山東寇亂突入陵川逼輔使降輔
抗節不屈具公服坐廳事爲賊所害

張俊山東行樞密院知院 大明兵攻益都悉力拒守城
陷携妻子投井死

張士謙樂安人知婺源州事敵兵至踰五十餘日城陷被
執先戮其妻仍加刃于頸以脅之士謙曰吾爲國死忠

豈畏死耶至死罵詈不絕追封清河郡伯

張祖信爲山東臺幕至正間毛貴入山東祖信被執不屈而死贈河南省員外郎

脫歡簽書樞密院監膠州至正間毛貴陷膠州脫歡力戰死之

神保北庭人至正間爲林州達魯花赤會劉福通兵陷林州神保與民避守蟻尖寨攻急神保懷其所授白麻投崖而死

鄧椿吉水人爲臨江府吏僞漢陷臨江率廬陵義士千百偕萬夫長楊獻與賊大戰三月兵潰投江死

蕭生吉水人爲建州儒學正用辟爲叅謀僞漢陷廬陵叅政全子仁遁去蕭生赴井死

呂震爲懿州總管至正十九年關先生等兵陷遼陽震死之贈河南左丞東平公

張正蒙暨妻韓氏至正十九年紹興兵變夫婦俱縊死女也奴年十七亦投崖而死

姜碩樂安人由相府掾累官禮部員外郎至正二十年奉詔招安陳友諒等賊不從碩大罵遂遇害事聞詔嘉其不徑不竇以偷生惟忠惟孝之在念贈禮部侍郎謚忠烈

劉玄謨爲弋陽知州至正二十一年寇兵逼州玄謨力拒十九日衆皆欲其降大罵曰吾雖死當殺此賊援兵不

至城陷罵賊而死

顏瑜字德潤曲阜人顏子五十七代孫爲鄒及曲陽兩縣教諭至正間田豐起山東瑜携家走鄆城道遇賊爲所執使見主帥瑜罵曰賊何主帥使之寫旗大詬曰我腕可斷豈能寫旗從逆賊以鎗刺之而死妻子皆遇害燮理翰爲雲南儒學提舉至正二十三年明玉珍寇雲南城陷理翰死之

朶耳爲宣政院使至正二十三年大明兵取福州朶耳死之

齊郁博興人爲山東西道宣慰司僉事至正中大明兵取益都齊郁死之贈汝南伯

陳元善龍溪人世以儒名家至正二十七年海壩逃兵作亂渠魁薛陽以元善素行孚于鄉里欲先脅之以爲民望元善罵曰吾所畏者義不畏者死汝賊豈能久生耶與其妻郭氏及三子皆遇害

楊居仁爲開化尹饒兵陷治仗義不屈罵賊而死

迭里彌實字子初回回人初爲漳州路達魯花赤大明兵下福州興化泉州皆納款迭里彌實仰天嘆曰有死而已及聞招諭使者至乃具公服北面再拜引斧斫其印文又大書手版曰大元臣子卽端坐拔所佩刀刺喉中以死旣死而手猶執刀按膝儼然如生時有獲獨步丁者回回人官僉廣東廉訪使有呂復者爲江西行省

左右司都事皆閒居寓福州而復以行省命攝長樂縣尹福州既下二人皆死獲獨步丁兄曰穆魯丁官建康曰海魯丁官信州先是亦皆死國難云

栢帖穆爾字君壽蒙古人累遷福建行省郎中 大明兵至福州召引妻妾坐樓上謂曰丈夫死國婦人死夫義也今城且陷吾必死若等能吾從乎皆應曰有死而已縊而死者六人有十歲女度其不能自死給之拜卽挈囊米壓之死僅匿三歲兒以全宗祀追兵入城卽舉燈自燃死

陳端孫字伯都登武舉首選出鎮福清時陳友定勒兵侵州境端孫率衆拒之中流矢墜馬被執友定宵之使從

端孫憤罵曰我家三世事元今從汝反耶友定怒殺之其妻孫氏抱幼女投井死

卜顏帖木兒爲知樞密事至正二十八年 大明兵至通

州帖木兒力戰死之八月克燕京淮王帖木兒不華丞

相慶童左丞丁敬可大都路總管郭允中皆死之

黃復圭安仁人至正兵起圭陷賊庭爲詩寫志賊怒將剖其腹圭曰腹可剖赤心不可剖遂死之

鐵木兒不花以副都元帥鎮婺源時所在寇亂戰無虛日戊戌春敵兵東下夫人披甲突陣而前謂元帥曰事至此有死無二督戰益力夫婦俱死

高文鼎爲廣東元帥至正間三山寇攻廣城文鼎力拒幾

續文獻通考 卷之六十五
一年援兵不至城陷遂自刎一家皆死

卜里牙敦北庭人至正中爲山南廉訪使寇犯中興與戰
被執不屈而死明日中興判官上都復與戰而東門失
守倉皇反鬪力屈被執使降上都大罵賊怒剗其腹剖
其肉而死

塔不台字彥暉不知何所人至正中爲襄陽錄事同達魯
花赤餉魏王軍于汝亳俱爲賊執魏王拜乞活塔不台
以足蹴曰猶欲活乎賊屈其拜塔不台拒而詬之且與
縛者角遂支解

韓因字可宗汴梁人至正中應詔授唐州判官招群盜降
賊黨止因于外納詔不讀詰問再三因荅以恩宥寬大

禍福所係甚切不聽乃縱因歸報因出乘馬周賊屯大
言曰汝輩好百姓何不出降歸田而甘從逆賊賊渠追

因寸割之

亂因寸割之

卞琛大名入至正中以國子生丁毋憂治農于家鄰郡盜
起來標掠琛與從子小十等協謀統丁壯擊賊勢不敵
爲賊所執罵賊死之

趙璉字伯器潁川人宏偉之孫也至正中淮南江北行省

叅知政事爲張士誠所執瞋目大罵而死弟琬字德仲

仕至台州路總管至正二十七年方國瑛以舟挾琬至

黃巖琬潛登白龍輿舍于民家絕粒不食七日而死

孫搗字士謙曹州人至正初進士授濟寧路錄事張士誠

續文獻通考

卷之六十五

七

四、廿九京

以高郵叛使搗副烏馬兒招降士誠拘之肆其凌辱搗
不恤也後謀復高郵事泄罵聲不絕竟爲所害追封南
郡公謚忠烈厚恤其家二十五年六月國史以長子
布景龍新都人舉進士授益涼州同知時李頗驢來寇舉
義兵拒之力戰終日矢盡而死至正中武南工北亦皆
石普字元周徐州人至正中以樞密院都事從長官守淮
安欲取高郵城而忌嫉者多不得盡行其志遂爲賊鎗
十所中猶手握鎗斫賊賊攢鎗以刺與從者皆力戰死之
周鏜字以聲瀏陽州人至正中爲四川行省儒學提舉便
道還家無何盜至欲推鏜爲主鏜瞠目厲聲大罵賊乃
殺之時同縣有謝一魯字至道嘗舉進士爲石林書院

山長賊陷潭州爲所縛罵賊甚厲舉家咸遇害

姜天祐吉水人至正間盜起與賊力戰賊勢大盛竟死于
賊雖死罵不絕口

李鉉字伯昇衛縣人至正間兄鈞字伯衡者累功至懷遠

大將軍卸復上萬戶府副萬戶討寨寇于清流而歿鉉

襲職守延平與寨寇戰于政和泗州橋弗克遂死之事

聞追贈鎮國上將軍江東道都元帥護軍隴西郡侯

樊復字明仲進賢人至正間寇攻北山與弟文仲姪用行

死之贈明仲進賢尹文仲臨川丞用行崇仁簿

雷燦鄉貢進士至正中閩中亂燦起兵助王師死之贈汀

州路上杭縣主簿

納速刺丁字士瞻大名入爲淮東廉訪司書吏至正間李
璉入據興化納速刺丁力戰不勝與其三子寶童等皆
死之贈淮東元帥府經歷

陳無吝永豐人值兵亂叛寇強之從無吝曰相從可矣乞
與我紙筆乃大書一詩與寇寇怒拔其舌剗其腹含糊
罵不絕口而死

韓心淵武安人以文學徵入國子監至正間任衡水縣尹
以德化民墮不入境調真定縣尹會掃地王作亂心淵
與子拒守城陷父子俱死之

張遠永豐人元季盜起沔陽所過殺掠遠與友羅惟遠謀
督郡兵禦寇寇知其謀被執俱不屈死之

許則祖樂平人至正間亂兵四起則祖倡義兵恢復德興
縣後屢戰勝一日追賊馬陷泥中遇害謚忠顯

楊本巖廬陵人白鹿書院山長元季兵起至吉本巖率民
兵保障遷廬陵主簿往捕東固寇盜乘勢深入本巖死
之子節聞父死力與寇敵亦死

閔本字宗先河內人始爲御史臺掾五轉爲吏部尚書移
刑工二部皆以能稱嘗上章乞謝事不允詔授集賢侍
講學士大明兵薄京城乃北向再拜大書其職銜姓
名于壁與妻程氏及二女皆縊死

邢飛翰霍州人以兩淮鹽運司同知致仕元末兵亂被執
不屈而死追封工部尚書謚忠義

馮文舉什邡人舉進士爲雲南儒學正提舉 大明兵攻雲南文舉謂妻馬氏曰我元進士蒙厚恩今軍至有死無二汝光州馬中丞子孫其從之乎馬氏曰官人旣去生亦何益遂皆自縊

胡濬爲益都路總管 大明兵攻其城自縊死時山東宣慰副使于德文僉山東宣慰司事齊都皆死之 拜任字聞善康里人爲太子司經 大明兵至赴井而死 王遜志歷官監察御史出爲江西廉訪副使召簽太常禮院元末京城不守公卿爭出降遜志獨家居衣冠而坐 其友王翼來告曰 新朝寬大盍出詣官自言狀遜志斥之曰君旣自不忠又誘人爲不義耶卽日投井死

趙弘毅字仁卿晉州人爲國史編脩官 大明兵入城弘毅嘆曰我今但有一死報國耳乃與妻解氏皆自縊其子恭爲中書管勾亦與妻訣曰吾父母俱死尚敢愛生乎遂公服北面再拜縊死

黃鳴字殷士金谿人仕至翰林待制兼國子編脩京城旣破得赴井死

孔會心新淦人元末守臣不屈赴水死贈叅軍都錄事

陳祖仁字子山汴人至正初進士第一官翰林學士除叅知政事及順帝北遁祖仁死焉時年五十有五

朱春元末爲三原尹洪武二年 天兵克城春與妻俱投崖死

王翰字用文廬州人任福建江西行省郎中後表授潮州
總管元亡屏居永福山中 洪武中或上書薦之 命
下乃嘆曰女可更適哉遂爲詩別其友卽自引決
吳訥休寧人至正末以召授建德路判官兼民兵萬戶與
元帥李克魯攻城復之丁酉 天兵臨郡訥戰敗不屈
自刎而死

潘炎字光大扶溝人舉進士再遷襄城縣尹免官歸賊將
劉太保陷扶溝遣人辟之爲學士炎罵曰我豈從賊者
耶以首觸庭柱而死

高傳字起巖謙曾孫爲林州團練萬戶赴調遇盜邏卒且
戰且行盜率大眾突擊傳疋馬挾勁弓射無不中盜懾
不敢前援兵不至盜復合攻誘使降傳厲聲大罵力戰
而死

董成夫以軍功授察罕腦兒宣慰使司宣慰使胡寇犯邊
没于王事贈中大夫樞密院副使謚忠烈命配食廟庭
羅次炳廬陵秀川人以征連爲寇所敗被擒備極慘酷竟
不屈而死贈番禺縣主簿

馬哈麻回回人尉政和夷兵入寇馬哈麻率鄉兵拒戰弗
利被執瞋目罵賊賊怒剖其腹腸出委地猶罵不絕口
昔里吉思爲鳳翔兵馬判官死國事贈輔國上將軍恒州
刺史廟號褒忠

張鳳儀紹州路經歷領孤軍追賊兵潰不屈死子萬里獲

賊首張韶卿剖胷劈肝生啖之尋補父官亦死于贛寇
李宗可有勇略善禦余闕嘗以兄女妻之以州判官權義
兵萬戶統新軍守水砦前後多戰功城破人勸之降怒
曰元帥平日遇我厚我負元帥異日何以見于地下驅
其家屬盡殺之據胡床縱飲至醉自刎

楊樸字文素河南人早以文學得推擇爲吏官至滁州全
椒縣尹盜入城樸度必死盡殺其妻女朝服坐堂上盜
欲降之樸指妻女示曰我已戕吾屬政欲死官守耳乃
連唾之賊繫之倒懸樹上而割其肉至盡猶大罵不絕
毛鐸南昌人署爲富州學正時土賊李明道據州治脅爲
從事鐸罵不絕遂遇害

祝興可寧州人世業儒與寇吳娘子等戰敗被執罵不輟
口而死

堵簡金壇人元末平章慶童領兵復松江簡爲參謀兵敗
爲賊所擒欲留用之不屈而死

喜同河西人調南陽縣達魯花赤賊陷南陽突圍而死妻
邢氏聞同死帥家僮數人出走遇賊奪刀斫之且罵且
前亦見殺一家死者二十餘人

陳新泰和人以新淦州判居家監州達正道聞其賢辟守
州之東境寇至援少食盡被執抗節不屈死之

李廉字子敬安福人知信豐時兵起父子俱死于賊邑人
立雙節祠祀之

續文獻通考 卷之六十五
朴賽因不花字德中合台人爲中書政事兵至被執請速
死殺之

張庸字存中溫州人爲刑部尚書仍領房山團結兵至寨
民李世傑執庸出降不屈而死

丁好禮字敬可真定蠡州人官中書平章政事留守京師
天兵至不肯謁大將軍昇至齊化門抗辭不屈而死
牛富霍丘人勇而知義爲侍衛馬軍司統制戍襄陽移守
樊城累戰不少衄城破率死士百人巷戰遇民居燒絕
街道以頭觸柱赴火死贈靜江軍節度謚忠烈裨將王
福曰將軍死國事吾豈宜獨生亦赴火死

李黼隸州人父守中爲元工部尚書泰定中以明經魁累

官宣文閣監書博士兼經筵官數與勸講至正中江南
寇起出守江州路總管捍賊有功詔爲行省叅政賊大
至城陷巷戰叱曰殺我無殺百姓與從子秉昭皆罵賊
而死謚忠文兄冕居頴亦死于賊

曹彥可亳州人至正間妖賊起里中皆不知書者群趨彥
可家以刀斧逼之寫旗彥可唾曰我儒者知有君父寧
死耳豈爲汝寫旗者耶遂遇害事聞謚節愍

趙觀光鄞人以博士弟子員得推擇試吏奉化州尋遷昌
國至正十年黃岩寇起昌國孤懸觀光招諭有方不擾
事集明年寇衆數倍力不支遂死焉

郭嘉開州濮陽人祖昂父惠俱以戰功顯嘉有大志舉泰

定進士累官禮部員外郎至正十八年遼陽騷動特授
廣寧路總管既至賊勢日張孤城無援賊遣使脅之降
嘉殺其使開門督戰力竭死之詔謚忠烈

周宏遷安人元時爲無極寧昌昌黎三縣尹在昌黎時程
思忠作亂宏率其民赴永平城拒守城陷被執宏不屈
七日不食罵不絕口而死

福壽江南行臺御史大夫 本朝兵圍集慶福壽數督兵
出戰城破有司皆奔潰或勸之去福壽曰吾爲國家重
臣城存則生城破則死尚安往哉遂遇害

胡善至正間爲松江府學訓導苗賊陷松江欲毀孔廟善
罵賊遂被害初善聞賊至卽以死節自誓題詩于壁曰


領檄來司教臨危要致身

劉溶武進縣尹至正末寇兵陷常州官軍潰散溶獨率民
兵戰于葛橋南死之


石株宜孫元副都元帥守處州 本朝獲其弟及母以書
招宜孫不至遁入建寧復出與 王師戰敗走死于桃
坑 朝廷嘉其盡忠遣使諭祭州民立祠祀之

俞述祖象山人累官翰林國史院編脩出爲沔陽府推官
至正中斬黃賊迫州境述祖以民兵捍禦兵力不支城
陷爲賊所執械至僞主徐壽輝所誘使降述祖罵不輟
賊怒支解之贈禮部郎中象山縣男

楊乘字文載濱州人負氣博涉經史累官浙省員外郎至



正壬辰杭州陷非罪被黜依書龍章元澤以居因申松
江陷或傳張氏將起乘笑曰吾豈事二姓使果至乘知
不免以家事屬章具禮享先祠畢設飲起行後圃中顧
西日晴好慨然日晚節如是足矣處置家事如平日夜
分就寢遂自縊遺書言死生如晝夜不足介意且以得
全臣節為快云



兵燹于臺嶺南飛之

隆容知縣緝兵至五未家其習常州官軍費婿容歸率吳
珍琳來信塔嗣京嬰姪良

